



सानसेयारि **“बड’सा”** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
खल’, खल’बाथा आरो दावबायारि थावनि, पार्क
बाइदिनि बायाव लिन्नाय लिन्बिदां दैथाय हर्/
सानसेयारि **“बड’सा”** ख्रीर्लाइया खेबखानावै
फोखावगेन।
बड’सायाव लिन्हर्नायनि हुदा खलाम,
“बड’सा” ख्री नोथां, जौ बयबो आंगो खलाम।
सानसेयारि बड’सा मावखलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 11 May, 2025 Kokrajhar, BTC, Assam ★ Vol.-35, Issue No.46 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

गुवाहाटीनि थागिरिफोरा आथिखालनिफ्राय पाइपजों मिथिंगायारि गेस मोन्नो हासिगोन

पाइपजों मिथिंगायारि गेस जगायनायनि थांखिया इयुननि मोनसे जोंथि मह्रै जागायजेन्नाय: ड॰ हिमन्त बिश्व शर्मा हाज’, शुवालकुशि, रडिया आरो बाइहाटा चरिआलिआवबो पाइपजों गेस जगायनायनि खामानिखौ बेखेवबाय

दिसपुर, 10 मे: गुवाहाटी नोगोरमनि थागिरिफोरा आथिखालनिफ्राय पाइपनि गेजेरजों मिथिंगायारि गेसखौ मोन्नो हासिगोन। आसामनि गिबि मन्थि ड॰ हिमन्त बिश्व शर्मा आ दिने लकसेवा भवनआव खुं नाय मोनसे हाबाफारियाव गुवाहाटी नोगोरमायाव पाइपनि गेजेरजों मिथिंगायारि गेस जगायनायनि बे मख’जाथाव बिथांखिखौ हाबाफारि बादिथै गोथारै बेखेवना होयो। दिनेनि बे



हाबाफारिनि गेजेरजों गिबि खोलोबाव गीटानगर ओन्सोलनि मोन 101 नख’रफोरखौ लानाय जादों। गुबुनफासँ, दिनेनि बे हाबाफारियावो गिबि मन्थिआ शिलचरआव बराक सेरफांनि गिबि सिपुनजि स्टेसनखौ भासुयेलि बेखेवनायजों लोगोसे हाज’, शुवालकुशि, रडिया आरो बाइहाटा चरिआलिआव पाइपनि गेजेरजों जगायनायनि गुदि खामानिखौ बेखेवना होयो।

(□ 6 बिलाइआव)

चि.के. दख’रा एबसुआ मेट्रिक आरो एड्स.एस. जोबथा आन्जादआव सेथि थाखोआव उथिनाय फरायसाफोरखौ मान बाउदों

थांनाय थाम बोसोर सिगांनिफ्राय जोंनि गेजेराव लांदाडै जौ, जुवा होनाया खम जादों: मन्तु बर’



24थि अल इण्डिया जोहोलाव बालिराम बर’ स’ना काप जोलुर बादायलायनायनि अडिट रिपर्ट होनाय हाबाफारिया जोबलांबाय



उदालगुरि, 10 मे: उदालगुरि जिल्लानि सिडव थानाय हरिसिंगा रबि कछारि मिनि स्टेडियमआव जिल्लाजों लोगोसे हरिसिंगा ओनसोलनि बयजोंबो मिथि जानाय, अनसायजानाय जोलुर बादायलायनाय थामहिनबा जोहोलाव बालिराम बर’नि गोसोखांथियाव बोसोरफोमबो हरिसिंगा दख’रा दुलाराइ बर’ फरायसा आफाद आरो हरिसिंगा रिजनेल स्पर्ट्स एस’सियेसननि जुथायै बान्जायनायाव खुंनोनाय जायो अल इण्डिया जोहोलाव बालिराम बर’ स’ना काप चेम्पियनसिप (□ 6 बिलाइआव)

बाउखुंग्रि फोर्बो खुंनायनि उनाव प्लासटिक, बटल, दाखोर-दालाजों बुंफबदों बाउखुंग्रि हाजोआ

मिथिंगा-आबहावा मोजां मोनग्रा सांग्रां नोगोरारिफोरा बाउखुंग्रि हाजोआव साखोन-सिखोन हाबाफारि लादों



बड’सा/कक्राझार, 10 मे: बि टि आरनि राजथावनि कक्राझार सहरनि साखाथियाव थांनाय जारिमिनारि बाउखुंग्रि

हाजो, जाय हाजोखौ इशोरनि मोनसे गोथार थावनि होन्नानै मानियो आरो गोबां सुबुंफोरा बे गोथार थावनियाव फुजा

(□ 6 बिलाइआव)

भारत-पाकिस्ताननि दावहा बाक्सानि मनसा फुजा, बिहु, बिषुवा फालिनायखौ बन्द’ खालामबाय

सालबारि, 10 मे: भारत आरो पाकिस्ताननि गेजेराव आथिखालाव दावहानि थासारि सोमजिनायखौ नोजोर लानानै आरो यइज्योनि गिबि मन्थि ड॰ हिमन्त बिश्व शर्मानि खावलायनायखौ मान होनायै बाक्सा जिल्ला सालबारि महकुमानि सिडव थानाय माखासे आफादनि बान्जाय आफादफोरा हरिसुआरि हाबाफारि खुंनायनि थांखि लानायखौ बन्द’ खालामनायखौ फोसावना होबाय। बाक्सा जिल्लानि समुवागातिआव दुलाराय आसाम फरायसा आफाद सुंद थै आसुनि सालबारि मिरु आफाद, गाति आन्सलिक, गेजेर बिजनी, आनन्द बाजार आफादआ फैगौ 11 मेआव हाबाफारि खुंनो (□ 4 बिलाइआव)

टिपकाइ गुदि बर’ थुनलाइ आफादनि बान्जायनायाव सोलोंथायारि सांग्रांथियारि मेल

सासे फरायसाखौ गुन गोनां सोलोंथाय मोनहोनेब्बा बे फरायसानो जोंनि दिथागिरिफोरा सम आरो मोजां थासारि होनांगोन: आन्दलन ब्रह्म

बड’सा थान्दै/पर्वतझरारा, 10 मे:ओनसोलनि सोलोंथाइयारि आबहावा अर थासारिखौ गोखों खालामनो थाखाय राइजो-राजा आरो दिथागिरिफोरनि गेजेराव सांग्रांथि लाबोनायनि थांखिजों टिपकाइ गुदि बर’ थुनलाइ आफादआ टिपकाइ हालामनि दाब दाब गामिफोराव थांनाय माखासे दानफोर सिगांनिफ्रायनो सोलोंथाइयारि सांग्रांथि हाबाफारि लाबोदों। थांनाय 25 जानुवारीनिनिफ्राय जागायनायै टिपकाइ गुदि बर’ थुनलाइ आफादआ दाब दाब गामिफोराव सोलोंथाइ सांग्रांथि (□ 6 बिलाइआव)



लोर्गि थियेटार गुपनि 16थि गाइसन्थाय सान फालिदों

कक्राझार, 10 मे: बर’नि हरिसु बिथिखव थांनाय माखासे बोसोर सिगांनिफ्राय मैखोमै बिहोमा होबोनाय कक्राझारनि लोर्गि थियेटार गुपनि दिने 16थि गाइसन्थाय सान। बर’ हरिसुखौ फोथानानै लाखिनायजों लोगोसे जौगाहोनो आरो मुलुग दरबाराव गोसारहोनायनि थांखिजों थांनाय 2009 माइथार्यनि 10 मे, थामहिनबा दिनेनि सानाव गाइसनजानाय हरिमआरि हान्जा लोर्गि थियेटार गुपआ फैयै फैयै 16 बोसोराव (□ 6 बिलाइआव)



दावहा दोन्थ’नायनि 4 घन्टानि उनावनो भारत आरो पाकिस्ताननि दावहाया जागायफिन्दों
दावहा दोन्थ’नाय खांथिखौ सिफायनानै पाकिस्तानआ भारत फारसे गुलि गावनायखौ जागायदों



गोदान दिल्ली, 10 मे: दासान्दि सोलिबाय थानाय भारत आरो पाकिस्ताननि दावहाखौ दोन्थ’नांगौनि थाखाय सावरायनाया जोबथा थांखिसिम फैनायनि उनाव दावहा दोन्थ’नायनि रदाय जानायनि 4 घन्टा समनि उनावनो फिन भारत आरो पाकिस्ताननि गेजेराव दावहाया जागायफिन्दों। भारत आरो पाकिस्ताननि गेजेराव

बेलासि 5:00 रिगानिफ्राय दावहा दोन्थ’नाय खांथिया जागायदोंमोन। नाथाय बे दावहा दोन्थ’नाय खांथिखौ पाकिस्तानआ फालिनो हायासै। 4 घन्टा समनि उनावनो दावहा दोन्थ’नाय खांथिखौ सिफायनानै पाकिस्तानआ श्रीनगरआव थाद’नाय गैयै गुलि गावहरदों। सुलुंनिफ्राय मिबथिनो मोन्नाय (□ 6 बिलाइआव)

बेसलर डिग्री उथिनाय आरो बिजिसंग्रा फरायसाफोरनो गिबि मन्थि ड॰ हिमन्त बिश्व शर्माआ एककालिन रां अन्सुंथाय होनो फोसावबाय

जुन दानाव 3 दाननि थाखाय जयै रेसन कार्डीनि माइरंखौ गथायगोन

गुवाहाटी, 10 मे: आसामनि गिबि मन्थि ड॰ बिश्व शर्माआ दिने शनिबारखारि जनता भवनआव खौरंगिरि मेल खुंदों। खौरंगिरि मेलाव आसाम सरकारनि बान्जायनायाव खुंजानाय केबिनेटआव थांखि लानायनि सोमोन्दै फोरमायना होयो। मख’नो गोनांदि, डिब्रुगड़ उरां जाहाज गाथोननि मुं होनायखौ लानानै दिने खुंनाय केबिनेटआव थांखिलाइ आजावना लानाय जादों। केबिनेटआव थांखि लानाय बादिथै ड॰ भुपेन हाज’रिफांनि मुंजों डिब्रुगड़ उरां जाहाज गाथोनखौ बाउनाय



जायो। लोगोसेनो ‘एति कलि दुति पाथ मावफारियाफोरनो 5 रोजा रडै बिथांखि’ नि सिडव साफ्रोमबो चाहा (□ 6 बिलाइआव)

NERIM GROUP OF INSTITUTIONS
 Affiliated to Dibrugarh University, Gauhati University & ASTU
 Approved by BCI, NCTE, AICTE, MoE, Govt. of India
 Estd. 1992

Registration opens for DIRECT ADMISSION into the following Under Graduate & Post Graduate programmes for the Academic Session 2025-26.
 Interested candidates may connect with our admission counsellor at 9954190758 / 9954051419, or visit the official website : www.nerimindia.in for further information.

BBA
B.Com (H)
BCA
BSW
BA
 (Psychology)
LL.B (H)
BALLB (H)

Special Feature....

- Assured Placement Assistance
- Complimentary Laptops to MBA, MCA & PGDM students • All Classrooms are Air Conditioned • Smart Classrooms and Computing Labs • Free Corporate Suit and Course Pack to all the students
- Enriched Library with e-Library facilities
- Complimentary Diploma in Computer Applications (DCA) • Educational Loan Assistance • Wi-Fi enabled campus • Hostel facility for Girls (in campus) & Boys
- Health care arrangements and Accidental Medical Assistance.

MBA
MCA
MSW
MA
 (App. Psychology)
M.Sc.
 (Computer Sci.)
M.Com

For Working Professionals.

MBA (Part Time) 3-year
(Approved by AICTE)
Any Graduate with minimum 2 years Working Experience or Self Employed.

PGDM (Approved by AICTE)
50% in Graduation Or with MAT Score.
[N.B.: Online classes are also available for MBA (Part Time) & PGDM]

Achievements & Awards...

- # Recipient of CSR Top Institute of India Award for consecutive years.
- # Recipient of Times Best B-School Award.
- # Recipient of ABP News Outstanding Institute in East National Education Award 2019.
- # Recipient of Asia's Education Award 2019 by International Brand Consulting Corporation, USA.
- # Excellence in Campus Placement in Assam by News18 Assam.

NERIM Awarded Best B-School in the North East by Times Group, NERIM BBA Awarded 1st Rank, BCA Awarded 3rd Rank & MCA Awarded 5th Rank respectively in the Category of Excellence by Global Human Resources Development Centre (GHRDC).
 Prof. (Dr) Sangeeta Tripathi, Director, NERIM
 Padma Nath Sarmah Bhawan, Jayanagar, Khanapara, Guwahati -781022
nerimindia@gmail.com

सुजुगिरिनि खोलोम

मिथिंगानि सोरजिनाय

बिफां-लाइफांनि गोहोम

सुबुं समाजाव मोनसे हुदाखौ अराय सम नुनो मोनो, बेनो जाबाय बिफां दानफायनाय आरो लान्तां खालामनाय । गामिनि सुबुंफोरनि बाश्राल’ नङ गुबुन हादतनि सुबुंफोरबो हाग्रा बारियाव हाबहेनानै बिफां दान्नानै लाबोनाय आरो गुबुन्नो हाबायाव बाहायनाय हुदाया गोदो गोदायनिफ्रायनो सोलिबोगासिनो दङ। दिनैसिमबो सुबुं समाजआ बे हुदाखौ नागारनो हायाखै ।

सुबुंफोरनि बाश्राल’ नङ, जिब-जुनात, दाउसिन दाउला, एम्फौ-एनलानि थाखायबो हाग्राबारि, बिफां-लाइफांनि गोनांथि दं । जिब-जुनातयाबो हाग्रा-बंग्रा, बिफां-लाइफां नङब्ला जैरै थावरिनो हाया, मानसि माहारियाबो जिउ खानो हाया । मिथिंगानि सोर्जिनायनि गेजेराव बिफां-लाइफां, हाजो-हाला, दैमा-दैसा, दैमु बाइदिसिना नङब्ला जिउ जुनातफ्रा दसेनि थाखायब्लाबो थाना थानो हानांगौया गोब्राब । हाग्रा-बंग्रा, दैसा-दैमु गैयाब्ला बुहुमनि आबहावाआबो जिउ-जिरात थाना थानो हायै बाइदि गुबुंले जालांनयनि मिजिं दं ।

सुबुं समाजया बिफां-लाइफांनि सायाव जैरै बाइदि सोनारो बेखौ साननो रेंब्ला हाग्रा-बंग्रानि सायाव बे रोखोमनि अनागार उतखारा सोमजिनाय नङामोन । हाग्राबारिआव बिफां लाइफांनि अनगायैबो गोबां रोखोमनि जिब-जुनात, दाउसिन दाउला, एमफौ-एनला, मैगं-मैला, थायो । गसिबोखौनो मानसि माहारिनि गोनां जिउ खानायाव नांगौ जायो । सुबुं समाजया नांगौखौल’ मिबथिनो रेंबाय नाथाय, बेफोर गोनां मुवाफोरखौ रैखा खालामनो दासिम सोलौंनयनि गोनांथि होयाखिसै ।

सोनो गोनां बाश्रादि- बिफां-लाइफांखौ दानस्रानो सोलौंनो रेंगौब्ला, बेफोरखौ गायनो सोलौंनो मानो रेंदिया ? गोदो-गोदाय आबै-आबौमोननि बिबै-बिबौफ्रा गायना गालांनयन दंफां-लाइफांफोरखौ हागौमानि दानस्रानानै लांदां खालामजोब्याय । हाग्राबारि गैयैलाय जिब-जुनार, दाउसिन दाउलाफ्रा थानो जायगा मोनैलाय गामि गामि हाबफेना बुथारजाबाय,खायफाया उतखारबो खालामफैबाय । नाथाय कम्पिउटार, इन्टरनेट मुगानि सुबुंफ्रा सानखांनो रोडाखिसै मानसिनो थानो जैरै न’-बां नांगौ, जुनातफोर थानो थाखायबो हाग्राबारि नांगौ । थानाय आरो सोलिफु मुगाआव जा जालांबाय जालांबाय, इयुन जोलैफोरनो बिफां-लाइफांनि गोनांथिनि सोमोन्दै मोजाडै गियान होनो रेंनांगोन आरो बेफोरखौ माब्रै गायनांगौ, फोथांनांगौ, फेदेरनांगौ, राहोनांगौ, आरो माब्रै रैखाथि होनांगौ, गोथौयै फोरेंनांगोन, मिबथिहोनांगोन ।

दिनैनि फान्जामुथि

राशि बाइदियै मुंनि गिबि हांखो

मेघ : अल वृष : ऊब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेघ:

जेखि जाया फोथायनानै खामानिफोरखौ मावनो हागोन । सान्नाया जाफुंगोन । मोजां सान ।

वृष:

माबा मोनसे मोन्नायनि सुजुग-सुबिधा दङ। बे राशिनि थाखाय मोजां सान । गोजोन मोनगोन ।

मिथुन:

नख’रनि गोथार खामानि मावनो हागोन । सान्नाय-हनाय गासैबो जाफुंगोन । शुभ दिन ।

कर्कट:

बेराम-आजार गोनां सुबुङ सांग्राडै थानांगोन । डक्टरनि बोसोन बायदि मानिनांगोन ।

सिंह:

जेखियानो जाया शुभ खामानि मावनानै लानो हागोन । गोजोन मोनगोन ।

कन्या:

गोबाव समनि आसा खालामबोनाया जाफुंसारगोन । गोसोखौ गोजोन मोनगोन ।

तुला:

सोरजौंबाफोर सोमोन्दो गावस्त्रालायनाय जानो हागौ । जेखि जाया गोसोखौ हमथा ।

वृश्चिक:

जेखियानो मावा सुखुखौ मोन्नो हागोन । फारफ्रोमथिबो मोजां ।

धनु:

माबा मोनसे सुबिधाफोर मोन्नो हागोन । दिनैनि सानआ मोजां । गोजोन मोनगोन ।

मकर:

दिनैनि दिनाव गोजोन आबहावाखौ मोन्नो हागोन । फारफ्रोमथिबो मोजां ।

कुम्भ:

मोजां रेंग’थि जानो हानायनि सन्मान मोनगोन । गोजोनै सम बारहोनो हागोन ।

मीन:

बे राशिनि थाखाय अशुभ सान । गोथार खामानिखौ मावनो नाङ । गोसोखौ हमथा ।

जम्मुनिफ्राय राजथावनि सिमनायाव हाइ एलार्ट

गोदान दिल्ली, 10 मे: अपारेशन सिन्दुरजों बिग्रायारि पाकिस्ताननि आखुफोरखौ नोजोर होनानै जम्मु-काश्मीरनिफ्राय राजस्थानसिम जर’खायै सांग्रांथि खालामगासिनो दङ। पान्जाब सरकारआ गासै बिबानगिरिफोरनि छुट्टिफोरखौ होबथादों आरो बिसोरनो गनायथि गैया जासे स्टेशन नागारैनि बिथोन होयो । दिल्लीयाव सरकारि मावसुमाफोरनि उनाव डक्टरफोरनि छुट्टिखौबो

होबथादों । सोनाब बंग सरकारआबो गावसोरनि

मावसुमाफोरनि छुट्टिफोरखौ होबथादों । पान्जाबनि गिबि

मन्थि भगवन्त सिंह माननि दैदेन्नायाव जानाय केबिनेट

हादतनि मोन 32 उरां जाहाजफोरा 15 मेसिम बन्द’ थागोन

महैरै बन्द’ जानायनि जाहोनाव बिसोरनि उरां जाहाजफोरखौबो होबथानाय जादों । सुलुंनि बायदिब्ला, 15 मेनि फुंनि 5:29 रिगासिमाव खमैब्लाबो मोन 32 उरां जाहाज गाथोनफोरखौ बन्द’ खालामना होयो । अदेबानि पाटनानिफ्राय चन्डीगड़ आरो गाजियाबादनि गेजेराव शुक्रबारावबो उरां जाहाजखौ सालायनाय जायखै । फुंनि 9:15 रिगायाव फैनो गोनां इन्डियानि उरां जाहाज अनजिमा 6 इ 6394 आबो चन्डीगड़निफ्राय बिरनो हायाखै । बे फ्लाइटआ पाटनानिफ्राय भुवनेश्वर थांनो नाथाय थांनो हायाखै ।

मेघालय राइज्योआव हाग्रा जौगा होनायनि थाखाय मियावाकी मेटड आजावदों

शिलं, 10 मे: मेगालय आबहावा संरैखाथियाव जौगाखांबोनो हमदों, जेराव मियावाकी फरेस्ट मेटडखौ आजावनाय जादों । बेयो गोखै आवगायलानाय, रोजा नख’रनि हाग्राफोरखौ बानायनायनि थाखाय मोनसे मुंदांखा जापाननि टेक्निक । बेखौ हाग्रा मुलि जर’खागिरि अकिरा मियावाकीआ दिन्थिदोंमोन । बे प्रपजेलखौ राइज्योनि फरेस्ट्री एबा हाग्रामा खालामनो नाजानायनि मोनसे मख’जाथाव बाहागो जानानै फैबाय, जायखौ मेघालय सरकारनि हा आरो दै सरैखाथि बिफानआ दैदेनो । गिबि मन्थि कनराड के सांमाआ हाग्रा रैखाथिखौ नोजोर होनायाव मख’जाथाव बिफाव लागसिनो । फारसेथि हाग्रामानि बिफां दान्नाया बांनायजों जिंगायाबो

दाङ-बाजिखौ नोजोर होनानै बे उरां जाहाजफोरखौ 10 मेनिफ्राय बन्द’ खालामदों मोन । एयालाइनफोरा थांनाय शुक्रबारखालि बुडोदि, 15 मेसिमाव उरां जाहाज गाथोनफोरखौ अरायथा नडै

आइएमडिआ दिनैनिफ्राय माखासे राइज्यो-फोराव बिदुं दुंखावगोननि सांग्रांथि होदों

गोदान दिल्ली, 10 मे: भारत आरो पाकिस्ताननि गेजेराव बांबोनाय जेना आरो दावहा सोलिनायनि गेजेराव खालिस्तानी उतखारि पन्नुआ हाबसन्दों आरो बियो प्रपगेन्डा बायदियै भारतनि हेंथायै नंखाय खौरां गोसारहोदों । भारत सरकारआ शनिबारआव बै दाबि दैखानायखौ नेवसिदों, जेराव भारतआ पाकिस्तानआव ननकाना साहिब गुरुद्वारआव इनजों गाग्लोबदों होन्ना बुंदोंमोन । बिआइबि फेक्ट चेक इउनिटआ बे दाबि दैखानायखौ नंखाय होन्ना रोखा खालामदों । बे बायदि भारतआव हरियायारि मुगैलायनाय गोसारहोनो थाखाय फोसावदों एबा दिन्थिदों । मख’जाथावदि, ननकाना साहिबआ शिख धोरोमनि गायसनगिरि गुरु नानकनि जोनोम जायगा आरो बे गुरुद्वारआ शिखफोरनि थाखाय मोनसे आगोमा सिबिग्रा आरो दावबायग्रा जायगा । सरकारआ बै दाबिखौबो नेवसियो, जेराव पाकिस्ताननि फारसेनिफ्राय साइबार गाग्लोबनायाव भारतनि पावार ग्रिडआ सिलिंखार जादों आरो मुम्बाइ-दिल्ली एयारलाइन

लामाखौ आरायथा नडै बन्द’ खालामनांदों होन्ना बुंदोंमोन । अदेबानि भारतीय उरां सामलायग्राया माखासे जाहोनाव दिल्ली-मुम्बाइ उरां ओन्सोलनि सिडाव उरां लामाफोरनि 25 खोन्दोफोरखौ अरायथा नडै बन्द’ खालामनायनि समखौ बारयो ।

ओन्सोलफोर जैरै सोनाब बंग आरो सिक्किमनि माखासे बाहागोफोराव दुंखावनाय थासारि जानो हागौ । बेनि

अनगायै 10-14 मेनि गेजेराव गंगा बोरिमानि सोनाब बंग, 11 निफ्राय 14 मेनि गेजेराव बिहार आरो

उरिष्याआव, 12 निफ्राय 14 मेनि गेजेराव झारखान्ड आरो 14-15 मेआव सान्जा उत्तर प्रदेशआवबो दुंखावनाय

जथुम्मायाव हारिमायारि सिमनायाव इननि गेजेरजों सोलिबाय थानाय सिखाव खावनायखौ होबथानो थाखाय गोदान मुगानि एन्टी-इन सिस्टेम बायनो गनायथि होयो । राइज्यो सरकारआ 532 किल'मिटर गोलाव हारिमायारि सिमनायाव मोन 9 एन्टी-इन सिस्टेम गायसनगोन । सरकारआ दावहा आरो उतखारि जाथायाव जोखोम जानायफोरखौबो 'फरिश्ते यजना' आव सोफानो थांखि

गोदान दिल्ली, 10 मे: श्रीनगर आरो चन्डीगड़जों लोगोसे हादतनि सा आरो सोनाब बाहागोफोराव खमैब्लाबो मोन 32 उरां जाहाज गाथोनफोरखौ 15 मेसिमाव बन्द' खालामनाय जादों । बेनि सिगां भास्त आरो पाकिस्ताननि गेजेराव सान्थिआरि

बांबोगासिनो । बिथांनि दैदेन्नायाव राइज्योआ माखासे हाबाफारिफोरखौ जागायदों । जैरै- ग्रीन मेघालय प्रग्राम आरो हाग्रा सरैखाथि हाबाफारिखौ फोजौनायनि थाखाय पिइएस बायदि रंखांथि थुलुंगाफोरखौ दिन्थिदों । थांनाय बृहस्पतिबारआव गिबि

थासारि जानो हागौ । बे दाननि जागाय जेन्नायाव आइएमडिआ बुंदोंमोनदि, भारतनि बांसिन बाहागोफोराव मे दानआव सरासन्त्रानिखुइ बांसिन बिदुं बांनायखौ नुनो हागौ, नाथाय अखा-बारहुंखाया गरमनि बिदुं बांनायखौ बाडाइ खालामनो हागौ । आइएमडिनि डायरेक्टर जेनेरेल मृत्युन्जय महायात्राया बुंदोंमोनदि, हादतनि बांसिन जायगाफोराव सरासन्त्रानिखुइ बांसिन अखा हानो हागौ । एप्रिल दानाव राजस्तान, गुजरात आरो सान्जा मध्य प्रदेशआव सरासन्त्रानि बांसिन हिटवेब डे रिपर्ट थिसन्नाय जादों ।

ओन्सोलफोर जैरै सोनाब बंग आरो सिक्किमनि माखासे बाहागोफोराव दुंखावनाय थासारि जानो हागौ । बेनि

अरां मिरु सन्मिलित हारिआरि गौमा आरो दुफांनि फोर्बोनि हाबाफारिखौ बन्द ’ खालामबाय

उदालगुरि, 10 मे: हादतआव आथिखालाव दावहानि थासारिखौ नोजोर होनाने जोबथारनायाव अरां मिरु सन्मिलित हारिआरि गौमा आरो दुफांनि फोर्बो-2025 खौ बन्द ’ खालामनाय जाबाय । गेदेत अरां ओन्सोलनि थागिरि राइजो- राजाफोरनि हेफाजाबाव खुंजानो गोनां सेथि बोसोरारि अरां मिरु रङ्गलि बिहु फोर्बोखौ बन्द ’ खालामनायनि थाखाय बान्जाय आफादआ थांखि लाबाय । मख ’नो गोनांदि, गिबि खेवनि थाखाय खुंजानो गोनां बे हारिआरि गौमायाव गेदेत आसामनि गुबुन गुबुन हारि- हारिसानि सिनायथि, सुबुं आरिमु दोरोडारि आरो हारिमुआरि दिन्थिनायनि थाखाय हाबाफारि खुंनो थांखि आजावदोंमोन । गौमानि हारिमु आरि मोनाबिलियाव मुंदांखा



दें'खोगिरि मर्मिता मित्रखौ हांखायहरनाय जादोंमोन । मख 'नो गोनांदि, ‘अपारेशन सिन्दुर’ मुंनि भारतनि गोखों गाग्लोबनायनि उनावनो भारत- भाकिस्ताननि गेजेराव सोमजिनाय थासारिनि फारसे नोजोर लानानै 10 मेनिफ्राय राइज्योआव जायखि जाया बिहुनि हाबाफारि खुंनायनि

थाखाय राइज्योनि गिबि मन्थि ड- हिमन्त बिश्व शर्माआ खावलायदोंमोन । जायनि थाखाय फैगौ 22 मेआव खुंजानो गोनां अरां मिरु सन्मिलित हारिआरि गौमा आरो दुफांनि फोर्बो-2025 नि थाखाय जायगानि उदालगुरि जिल्ला खुंथाया गनायथि हाथैनि उनावनो बिहु फालिनायखौ बान्जाय

आफादआ बन्द ’ खालामनो फोसावना होयो । मोनसे जर'खा मावफु' मेलाव थांखिलाइ आजावनानै खौरंगिरि मेलनि गेजेरजों हारिआरि गौमाखौ हादतनि आथिखालाव सोमजिनाय थासारिनि थाखाय बान्जाय आफादनि दैदेनगिरिफोरा बन्द ’ खालामो ।

रायक्षसनि उदखारखौ फोजोब

गुबै : घनस्याम भटाचार्य
रा:सो:-धीरेन्द्र नाथ बर ’

बिद्वाधरि मुंनि जिसेथि मुसुखायाबो गिबिनि बादिनो राजाखौ बुडो, ‘हे महाराजा, राजा बिक्रमादित्यनि रायजो खुंनाय समाव फोरजाफोरा जेबो दुखु खैफोद आरो जेनिबो आंखाल गैयामोन । माबाफोर आंखाल जायोब्ला बेखौबो राजाया आबुं खालामदोंमोन । बिनिखायनो फोरजाफोरा सोरबाफोर दुखुआव गोलेलैंदों नामा बेखौनो साननानै राजाया उन्दु लाडामोन आरो फोरजाफोरनि सुखु दुखुखौ बुजिमोननो थाखाय राजाया गेजेर गेजेर बायदि महर लानानै रायजोआव गिदिं है योमोन । बै सानफोरनि रायजो बे'नाय बिबानखौ मन्थिनि आखायाव होलाडोमोन ।

सानसे खालि बिदिनो मन्थिनि आखायाव रायजो खुंनायनि बिबानखौ होनानै राजाया सासे बामोननि महर लानानै रायजोखौ बेरायनो ओंखार लाडो । बिदिनो थाडै थाडै जेरावनो माबामोनसे खहाबगोनां जाथाय एबा मुवा बेसादफोर नुयो बेहायनो साननै सानथामसो थालाडो । सानसेखालि मोनाबिलि समाव बिथाङ मोनसे हाग्रा सौहैयो । बै हरखौ थांहोनो थाखाय फांसे गिदिरि दंफांनि सिडाव बिथाङा उन्दुनानै थादोंमोन । बै बिफानि मोनसे दालायाव मासे बोराय दावा गावनि गथ'फोरजों थायोमोन । बिनि फिसाफोरा सानाव बायदि जायगायाव गिदिं थिंनानै फिथाय-सामथाय जाना हराव गिदिंबोफिननाय समाव बै बोराय दावनोबो थायफायै फिथाय लाना फैफायोमोन । बै सानखालिबो दावफोरा फैनानै बोराय दावनो फिथायफोरखौ होफैयो । बोराय दावा सोडो, ‘दिनै नोंसोर थांनाय जायगाफोरा माबाफोर गोमोथाव जाथायफोर नुदों

नामा ?’’ मासे दावा बुडो, ‘गोमोथाव जेबो नुवाखैबाबो मोनसे बाथ्रानि थाखाय दिनै आंनि गोसोया जोबोद दुखु मोनदों ।’ बोराय दावा बेनि जाहोनखौ सोडो । दावा फिन होयो, बेनिफ्राय साहाथिं थांबोला मोनसे नोगोर मोनो । नोगोरनि मुङ पलासनोगोर । पलासनोगोरनि सेरावनो सैबालघोस मुंनि मोनसे हाजो दं । बै हाजोआव थानाय मासे रायक्षसा सानफ्रोमबो नोगोराव फैनानै सिगाडाव जायखौ मोनो बेखौनो सिथारनानै जायो । राहा गोथे जानानै सानसेखालि नोगोरनि मानसिफोरा रायक्षसखौ बुडो, ‘ओइ राइक्षस दिनैनिफ्राय नोंनो जों साफायै मानसि हरबायथागोन । बिनिखायनो नों दिनैनिफ्राय बेहाय फैनानै जायखौ मोनो बिखौनो दा जा ।’

बे बाथ्राखौ रायक्षसखौ गनायनानै लायो आरो बिदिनो नोगोराव थानाय मानसिफोरा सानफ्रोमबो साफा साफा मानसि रायक्षसनो हरगासिनो दं ।

आंनि सिगां जोनोमनि सासे लोगो बामोना पलास नोगोराव थायो । दिनै बिथांनि नखरनिफ्राय रायक्षसनि सिम मानसि दैथायहरनायनि फाला । नाथाय बिथाङा खालि सासेल' फिसाज्ला दंमोन । फिसाज्लाखौ थिनहरोब्ला फोलेरानो थाया । गाव थाडोब्लाबो बिसिया रान्दि जायो । नखर थानायावनो बिसिखौ खैफोदाव खोलैंनो हामा । नाथाय सोरबा सासे थांथारनांगोन । दा साथामबो बेयो बेखौ गोबाखबलायनानै गाबबाय थानायनि अनगायै जेबो राहा दिहुनो हायाखै । लोगोनि बिदि दुखुखौ नुनानै आं जोबोद दुखु मोनदों । गुबुन दावफोरा

बुडो- लोगोनि दुखुआव दुखु जाफानो हानायासो थार लोगो । बिखायनो बेनो नोंनि थार लोगोनि सिनायथि ।’ फारसेथिंजाय बिफां सिडाव राजा बिक्रमादित्यआ उन्दुनानै दंमोनब्लाबो बिथाङा उन्दु लाडाखैमोन । बिथिङा दावफोरनि बाथ्राखौ खोनानानै बेतालखौ गोसो खाडो आरो बेतालनि मददजों लोगो लोगोनो पलासनोगोराव सौहैयो । बैहाय बामोनखौ बुजाय आजाय बिथाङा गावनो रायक्षसनि आदार जानो थांगोन होननानै बुडो । बामोना गिबियाव राजि जायाखै मोनबाबो उनाव राजानि बाथ्राखौ गनायनानै लायो आरो राजाखौ गोसो गोरबोजों बोसारसिहरो । राजायाबो दुगैयै लोबै हाजोनि गोजौ जायगायाव जेराव रायक्षसा मानसि जायो बै जायगायाव थांना ज'नानै थाहैयो ।

दानदिसे समनि उनाव रायक्षसा मिनि खुसि फैना सासे सिनायमोनै मानसि सासे जिरायनानै थानाय नुनानै जोबोद गोमोनाय मोनो । मानोना सिगाडाव फैनाय मानसिफोरा रायक्षस सौफैनायनि सिगाडावनो गिनानै थैना थायो । रायक्षसा बिथांखौ सोडो-‘हे धैज्य गोनां सुबुं, नोंथांनि धैज्य आरो गोहो साहसखो नुनानै आं जोबोर गोमोनाय मोनदों । मानोना गुबुन सानखालिनि मानसिफोरा आं फैनानै सौफैनायनि सिगांनो गिनानै थैफ्रामनानै थायो । थारैनो नोंथाङा साधारण हौवा मानसि नङ । नोंथांखौ आदार महरै जायोब्ला आंहा पाप जागोन । बिनिखायनो नोंथांनि सिनायथिखौ आंनो होदो ।’ राजाया बुडो, आंनि सिनायथिखौ लाना नोंहा मा जानो ? बे मोदोमखौ आं गुबुनखौ रैखा खालामनायनि मुङव दान खालामदों । दा नों नोंनि खामानिखौ मावदो ।’ राजानि बाथ्राखौ खोनानै रायक्षसा साननो हमो, गावनि जिउनि सुखु-गोजोनखौ

गारनानै गुबुनखौ रैखा खालामनायनि थाखाय बे मानसिया आंनि आदार जानो फैदों । थारैनो बियो सोरबा मुंदांखा गिदिर मानसि जागोन ।’ मानोना बिथांमोना बयबो मानसिनि सुखु आरो गोजोन जानायखौ लुबैयो आरो बिसोरनि दुखुआव दुखु जाफायो ।

बेखौनो साननानै रायक्षसा राजाखौ बुडो, बे गियानि मानसि, गुबुननि थाखाय जाय गावनि मोदोमखौ बावसोमनो हायो, बिथांनि जिउआ थारै नो बाखनायथाव । गुबुनखौ हेफाजाब होनो मोजांमोनग्रा नोंथांमोनबादि मानसिनि थाखाय बेयो जोबोद गोरलै बाथ्रा ।

ग'साइ बुहमनि मोजांनि थाखाय नोंथांमोनबादि गावनि सार्थखौ नागारनानै गुबनखौ हेफाजाब खालामनाय अनसुला मानसिफोरखौ जोनोम होदों । हे महापुरुष नोंथांनि खामानियाव आं गोजोनबाय । दा नोंथांनो मा बोर नांगौ बुंदों ।’

राजाया बुडो, ‘हे रायक्षस, आंनि खामानियाव जुदि नों गोजोनदोब्ला दिनैनिफ्राय मानसि जानाय खामानिखो नागारदो । नोंनि जिवा जेरैबादि नोंनि थाखाय अनजायाव, बिदिनो बयनिबो जिवा गावनि थाखाय अनजाथाव । बिनिखायनो गासं जिउखौनो रैखा खालामनाया मोजां ।

राजानि बाथ्राखौ खोनानानै रायक्षसा बै सानखालिनिफ्राय जिब बुथारनायखौ नागारो । राजा बिक्रमादित्यआ गावनि दावबायनायखौ एसेयावनो फोजोबना उज्जयिनिसिम गिदिं बोफिनो ।

सल'खौ फोजोबनानै मुसुखाया बुडो- महाराजा नोंथाङाबो बिक्रमादित्यनिबादि जुदि गुबुननि मोजांनि थाखाय गावनि देहाखौ नागारनो हायोब्ला बे राजउलाफादआव जिरायदो ।

रंजालि गथ'फोरनि सौरा अन्नाय नाजावदो आं मा होनबावनो

बेसे गोसो होबावनो बेसे हास्थायबावनो अनजालु आं नोंखौ नाजावदो नों अनजालु आंनि बे गोर्बोनि मोजोमसे अन्नायखौ । बजबना लादो अनजालु नों आंखौनो । नोंनि दुंबुद सोलेराव । सान्नानै लादो अनजालु नों आंखौनो- नोंनि जीउनि अनसुला महरै । गैया नामा अनजालु नोंहा आंनि थाखाय मोजोमसे अन्नाय ? गैया नामा अनजालु नोंनाव आंनि थाखाय दखरसे जायगा ? बावनो हाया आं अनजालु नोंखौ अराय बे जोनोमाव बुंवाय थायो गोसोआबो अनजालु अराय सम नोंखौनो- आंनिखा बियो होन्नानै ।

थरायना संगिना मोसाहारी
गामि- फुलकुमारी, गोजौ फरायसालि हाई
स्कुल कासाबारी
जिल्ला- कक्राझार । थाखो- डाईन

बिमानि मिजिं

बिमाया जोनोमगिरि फिसानि गावनो जोनोम होयो फिसाखौ, मिजिं दं बिमाहा फिसानिसिम जोनोम होथारनायनि फिथाय मोन्नो । जोनोम होआ बिमाया फिसाखौ औरैनो मिजिं गैया जासे, सिमां नुयो फिसाखौ लानानै सनानि नखर दानो । सानो बिमाया फिसानि सेराव दुखु गैया जासे गसंनो, दाखोख्लै फिसाया बिमाखौ दुखुआव; मेगनआव दाग'हो थरथिंसेबो मोदै । जोनोमगिरि बिमाया खाडै बायै फेदेरो फोलावयो, फोरोडो गावनि रावखौनो नङ बिमाया अननाय गैयै । नुयो बे माया संसाराव फिसाया देरनानै बिमाखौ मोदै हुगार होनाय, दङ बिमाखौ बिमा सानै मान होयै सोमोन्दो लायै अब्ला जायो बिमानि मिजिं फेलें ।

श्री अबिनास ब्रह्म
गामि- 1 नं चापागुरि (बेंटल गेद)
ला:सो:- चापागुरि
जिला- सिरां बि टि सि आसाम ।

(1 बिलाइनिफ्राय)

भारत-पाकिस्ताननि दावहा

लानाय 4थि बोसोरारि दुलाराय आसाम बिथायाव लांदां बिहु बादायलायनाय आरो हारिआरि हारिमु गौमाखौ बन्द 'खालामनायनि थांखि लायो बान्जाय आफादआ । बान्जाय आफादनि आफादगिरि कुलद्वीप दास आरो नेहाथारि सिमान्त कर्मकारमोनहा सुंसायनाय गांसे रादाव बिबुंसारनि गेजेरजों बिहु हाबाफारिखौ बन्द 'खालामनाय जाबाय होन्ना मिबथिहोदों । फारसेथिं बाक्सा जिल्लानि हुदुकाता बकुलतलआव थानाय मनसा मन्दिरआव फैगौ 13 मेनिफ्राय 17 मेसिम खुंनो लानाय 29थि सार्वजनीन श्रीश्री मा-मनसा फुजारखौ बन्द 'खालामबाय । दिनै मन्दिर लांगोनायाव मोनसे खौरंगिरि मेल खुंनानै मनसा मन्दिर सामलाय आफादनि आफादगिरि गिरेन्द्र कलिता, गाहाइ नेहाथारि भबेन दास आरो लोगो नेहाथारि प्रान्जित उजिरमोनजों लोगोसे माखासे बिबानगिरिफोरनि बाहागो लाफैनायाव खौरंगिरि मेलनि गेजेरजों पेहेलगामाव उतखारिफोरनि गाग्लोबनायाव जिउ गोमानायफोरखौ गोसो खानानै दावहायाव देह्रानायनि थाखाय आर'ज खालामनायजों मनसा देबिनिसिमबो आर'ज गाबो । गुबुनफारसै, बाक्सानि कुरिबिलआव फैगौ 14 मेआव खुंनो लानाय बिषुवा फोर्बोखौ बन्द 'खालामनायनि थांखि लायो बान्जाय आफादआ । लोगोसेनो कयेमारीआव 11 आरो 12 मेआव दुलाराय आसाम माइन 'रिटि फरायसा आफाद सुंद'यै आमसुनि बहागि फोर्बोखौ बान्जाय आफादआ बन्द 'खालामबाय । हादतआ दावहानि थासारि सोमजिनायखौ नोजोर होनानै राइज्योनि आफाद- फसंथानफोरनि गासैबो रोखोमनि हाबाफारिफोरखौ बन्द 'खालामनायनि थाखाय बाक्सा जिल्ला फरायसा आफादनि आफादगिरि जुबिन दासआ खावलायहरदों ।

आं मा होनबावनो नोंनि सिगाडाव सोर मोनथिनो आंनि दुखु दाहाखौ बावगारनो सानो आं नोंनि महरखौ नाथाय नों मानो आंखौ दुखुनि मोदै होबाय थायो । हागौमोन आं नोंखौ बजबना लानो नाथाय, आंनि दुखुथिया जिउआ मानोबा..... । लाजिनाय मोनो, मुगैनाय मोनो आं मानोबा आंनि थरथिंसे मोदैनि दाहारखौ । सुखु-दुखुनि हांमा सुरनानै आं अराय सम आलारी बाथि लानानै बाथौ गुदियाव दुइ हान्थु खरायनानै आफा-शिव बोरायनाव बोर बियो आं ! श्वेबो होनो गोसो गैया बिसोरबो बिसोरबो होदों सोरनोबा दोन दौलट नाथाय, सोरनिबा नखराव होदों गोरिब गुन्द्रा । बे बार्यदिनो इसोराबो गोरिब गुनद्रा बासियामोनब्ला सुबुं माहारिनि गेजेराव एना-एनि गैयाब्ला मानसिजों मानसि एना-एनि गैयामोनब्ला दिनै पलिथिकेल लिदारफ्राबो खौसेयाव थानायमोनब्ला.... । सोरबाबा आस 'खान्दा जिउ खोमानाङमोन सोरबाबा थैनि बाना जानांनाय नङमोन सोरबाबा नायगार-नायगार बुथार जानाय नङमोन बेफोर बायदि जाथाय गैया मोनब्ला..... दिनै गासैबो सुबुडानो बिद-फंबाय बिमा-बिफा नखरसेयाव राइजो जानाय बायदि सुक सानथियै मेलायनानै राइजो जानो हागौमोन । बेफोरखौ साननानै मालायखौ मुगैनो नांङ गुबुन हारिखौ सोंखारिनो नाङ बयबो गावनि धोन दौलटखौ लानानै देटगानो नाङ दिनै राजा, गाबोन फोरजा, बेफोर जादों गासैबो इसोरनि मायआ गेलेनाय ।

श्री मिनिसोरां नार्जारी
फरायसालि- जनता कलेज सेरफांगुरि
गामि- मैनागुरि
ला:सो:- गडिया (कसुगाव)
जिला- कक्राझार बि टि सि आसाम ।

बोथोर

बोथोर, गोलोमनायनि बोथोर जोबोद दुं-दुं हाव-हाव बोथोर । सानदों आं बे हाव-हाव बोथोराव थांनानै थानो हागोन ना ? उलथा बोहैनाय दैखौ आगोलथिं बोहैहोफिनो हागोन्ना ? आलाय खुंग्रिनि गोजा दैखौ गोग्गो-गोथार खालामफिनो हागोन्ना ? दङदाबोनो आंनि गोसोआव डिमापुर-मायबंनि गोसोखां नेरसोन, जाखफैयो दाबोनो आंनि गोसोआव खुंखा-देतसुं-ईरागदाव मोननि हादत सिबिनाय । जोंब्लावखाडो दाबोनो गोसोआ- राजा कृष्णचन्द्र, तुलाराम सान्ति गाहायनि गोहो बोलोखौ गोसो खाना दङदाबोनो आंनि मोदोमाव- जोहोलाव दैमालु, सिखना जोहोलाव जोहोलाव सोमदोन मोननि दुबुद थै । आवगाय आगान-दा फासय उनथिं हनै सुथुरफोरा साग्लोबजोब्बाय, गोलेर-दान' आ खुगाब्लां सिनानै आवगाय बोबाय बे जुगा उन्दुनानै थानायनि सम नंला सिखारदो जोहोलावनि फिसाफोर, गुबुन हारिफोरा सिखरजोब्बाय, झारखान,उथुराओनसोल, सतिसगोर, दाथासै एरैनो आला-खाला । हाबाब! जौनि बोथोरा मा इसे हाव-हाव गुबुनना मानो गोजोन-सुदेम, खोलो-खोलो ? दिनै जेरैथिंबो दावखा खिफबनाय जौनि खाफालाव । दावखा खिफबजानानै अखाफोर सिनथाय साथिला, मोले-मोले । सनाश्री मायनाव नों बुंनो हागोनदा खोमसि जोमैआ साग्लोब्बाय थाब्ला बै गोसोम दाखोना गोमोगोन ?

श्री सनजय ब्रह्म ।
गसाईगाव कलेज ।

आमेरिकाआ चीननि मुवा-बेसादनि सायाव टेरिफखौ 80 जौखोन्दो खालामनो हासिगौ

वाशिंग्टन, 10 मे: गुबुन हादरनिफ्राय लाबोनाय टेक्सखौ लानानै चीनजों जानो गोनां सावरायनायनि सिगां आमेरिकानि हादरगिरि डनाल्ड ट्राम्पआ टेरिफखौ खमायनायनि इसारा होदों। आथिखालाव चीननिफ्राय आमेरिकायाव लाबोजानाय मुवा-बेसादफोरनि सायाव 145 जौखोन्दो टेरिफ नाडे। नाथाय ट्राम्पआ बेखौ खमायनानै 80 जौखोन्दो खालामनायनि इसारा होदों। इन्टरनेट मिडिया साइट टुथ ससेलआव ट्राम्पआ बुंदोंदि, चीननि मुवा-बेसादनि सायाव 80 जौखोन्दो थांखिखौ रंखास्थि



मन्थि स्काट बेसेन्टआ लागोन। मोनसे गुबुन पस्टआव ट्राम्पआ बुंदोंदि, चीनआबो आमेरिकानि थाखाय गावसोरनि बाजारखौ नागिरनांगौ, बेयो बिसोरनि थाखायनो गाहाम जागोन। गुबुन हादरफोरनि दिहुन्थायफोरनि थाखाय बाजार बन्द

जेमिसन ग्रीयारनि चीननि लेङइ गाहाइ मन्थि ही ली फेंजों लोगोसे जानो गोनां सावरायनायनि सिगां फोसावजायो। अदेबानि आमेरिकानि 145 जौखोन्दो टेरिफनि फिन्नायाव चीनआ बिसोरनि मुवा-बेसादनि सायाव 125 जौखोन्दो टेक्स जाबसिनो। मख'नो गोनांदि, आमेरिकाआ मुलुगनि बयनिखुइ देरसिन रंखास्थियारि रहा थानाय हादर। बेरफासैं चीनआ रंखास्थि राहानि बिथिडाव नैथि

थाखोआव दङ। बेराफासैं आमेरिकाआ चीननि बयनिखुइ देरसिन फालांगियारि शेरार खालामग्रा। थानाय जानुवारि मासिनि समायखिरा लानायनि उनाव चीनजों लोगोसे मुल्गनि गासैं गाहाइ हादरफोरनि मुवा-बेसादनि सायाव टेरिफखौ बांहोनो फोसावदों मोन। बेनि उननिफ्रायनो दरनै हादरनि गेजेराव फालांगि दावहाया जागायदोंमोन।

मणिपुरआव जरजुलुमै रं लानायनि थाखाय इउएनएलएफ- पि आरो पिएलएनि केडारफोरखौ ग्रेप्टार खालामदों

इम्फल, 10 मे: पुलिसनि फोरमायनाय बायदिल्ला, इउएनएलएफ-पि (पाम्बे) नि सानैं सोद्रोमा, जायफोरा आथिखालाव सरकारजों लोगोसे गोजोन सावरायनायाव नांथाबना दङ आरो पिएलएनि सासे मावसुमाखौ थांनाय शुक्रबारखालि ग्रेप्टार खालामो। मिरुआरि आरो नोगोरारि पुलिसनि गेजेरजों खालामनाय मोनसे हाबाफारिनि गेजेरजों आन्डाग्राउन्ड केडारफोरखौ गुबुन गुबुन जायगाफोरनिफ्राय हमो। बिसोरनिफ्राय बिबानगिरिफोरा मोन 6 फोसावदि जोन्थोर, गंसे साखा खबन्नै गारि आरो माखासे रं बोखांनो हायो। ग्रेप्टार खालामजानाय सुबुंफोरा रिपट बायदियै इम्फल ओन्सोलाव थानाय स्कुलफोर, सरकारि बिबानगिरि आरो सुबुंफोरखौ थांखिनानै जरजुलुमै रं लानाय हाबाफारियाव लोब्बा थानायनि



खौरां होदोंमोन। सानैं इउएनएलएफ (पि) आरो नेपेट पल्लि मेंनि केडारफोरखौ सोनाब इम्फल

जिल्लानि कशेत्रिमायुम ब्लिश आरो नेपेट पल्लि मेंनि लेइकाइ आरो गुबुन सासेखौ

सान्जा इम्फल जिल्लानि पेबाम जेट सिंह मुडै सिनायथिदों।

आइएमएफआ पाकिस्ताननो 1 बिलियन डलार लन होबाय




गोदान दिल्ली, 10 मे: भारत आरो पाकिस्ताननि गेजेराव जेंनाया जोबथा थाखोआव सौहैबाय आरो बेनि गेजेरजों आइएमएफआ पाकिस्ताननो 1 बिलियन डलारनि लन होयो। भारतआ बेनि हेंथायै बात्रा दिखांदोंमोन। नाथाय हास्थायसेयावबो भारतआ पेलआउट पेकेजनि हेंथायै भटिं

खालामनो हायाखैं। भारतआ बे लननि सायाव अजद दैखानानै पाकिस्ताननि गात्रि ट्रेकरेकडखौ फोरमायना फानिडखौ हेंथा होनानै बुडोदि, पाकिस्तानआ सिगाडवबो जाय रंखास्थियारि मदत मोन्नायखौ गाहाम हाबाफारियाव बाहायाखैं। मख'नो गोनांदि, आइएमएफ मावख'आरि बर्डआव सा 25

बिथोनगिरि थायो, जायफोरा सोद्रोमायारि हादतफोरनि हान्जाफोरखौ दैदेनो। इउएननि उल्थायै, जेराव दरफ्रोम हादतनियाव मोनसे भट जायो आरो आइएमएफनि भटिं गोहोआ दरफ्रोम सोद्रोमाफोरनि रंखास्थियारि दिन्थियो। बिदिन्थिनि थाखाय जुथाय राइज्यो आमैरिका। बायदि हादतफोरनियाव समानथि गैयै महरै गोजौ थाखोन भटिं शेरार दङ। बे रोखोमनि हाबाफारिफोरखौ गोरलैं खालामनो थाखाय आइएमएफआ सरासनस्त्रायै गासैं दोलोनि गनायथिजों थांखि लायो।

भारतीय सांस्थिआ पाकिस्ताननि चेकपस्ट आरो उतखारि लन्चफोरखौ सिलिंखार खालामदों



गोदान दिल्ली, 10 मे: पाकिस्तानआ जाय जायगाफोरनिफ्राय ट्युब लन्च इननि गेजेरजों भारतआव हाबफैखुमानो नागिरदोंमोन, बै जायगाफोरखौ भारतीय सांस्थिफोरा सिलिंखार खालामबाय। भारतीय सांस्थिआ पाकिस्ताननि चेकपस्टफोर आरो उतखारि लन्च पेडसखौ सिलिंखार खालामदों। रैखाथि सुलुडा एएनआइनो मिबथि होयोदि पाकिस्तानआव खमैबो मोन 4 एयार बेसफोरखौ भारतीय गाग्लोबनायनि थांखि बानायनाय जादोंमोन। भारतीय सांस्थिआ ओन्सोलाव हा सानिफ्राय बारआव गावहरग्रा मिसाइलखौबो फेलैं खालामबाय। शुक्रबारखालि मोनायाव पाकिस्तानआ भारतनि मोन 26 जायगाफोरखौ थांखि बानायनानै इनजों गाग्लोबदोंमोन। बेनि उनाव भारतआ फिनजाथाय होनायनि गेजेरजों गासैं इनफोरखो सिलिंखार खालामदोंमोन। आथिखालाव एलअसिनि माखासे जायगाफोराव थाद'-थाद' गुलि गाहरगासिनो दङ।

दुध आरो दही सोदोबा मा रावनिफ्राय सोलाय जानाय मिबथिनो गोनां

गाइखेर आरो गाइखेर दाखाया ओरैबायदि जाग्रा मुवा जायखौ सानफ्रोमबो बाहाय जायो। अदेबानि बेबायदि सोदोब गोनां दं। जायखौ गासिबो रावआवनो बाहायनाय जायो। नाथाय बेफोरो सोलाव लाजानाय सोदोब जायफोरा जौनि जिउआव ओरै बायदि बाहायजायोदि, बेनि फारागखौ एबा गुबैयै बे सोद्रोमाया बबेनिफ्राय फैनाय हमस'नो हाया। फारसेथिं माखासे सोदोबखौ जों गुबुन रावनि होन्ना सान्ना लायो। गोबां सोदोबखौ जों सानफ्रोमबो आरो गले गले बाहायो, जायफोरा गुबुननिफ्राय सोलाव लाबोजानाय आरो खायसेया गुस्तायनानै फैनाय। गाइखेर आरो गाइखेर दाखा, जायखौ गुबुन रावफोराव गाहायै

भारतआव दुध आरो दही होन्ना बुडो बेनि बागै जोबोद खम सुबुंफोरा मिबथिगौ। बेनि मोनै सोदोबा माबोरै जौनि गेजेराव बाहायजाखो बेनि फिन्नाय मोन्नाया गोब्राब। दुध आरो दही सोदोबखौ जों हिन्दी रवनि होन्ना फ्रेथायो, नाथाय बेयो गुबैयै संस्कृत रावनिफ्राय लाबोजानाय राव। संस्कृतआव दहीनि जायगायाव दधि सोदोब बाहायो, जायनि ओथिया लाथा खानाय गाइखेर एबा दाखा। दहि सोदोबा संस्कृतआवनो सोमजिखानाय आरो बेखौ हिन्दी रावआव लासै लासै दही महराव लाफेदों। बिब्दिनो दुध सोदोबाबो हिन्दी रावनि आंगो नङ। बेखौबो हिन्दीआव दुध सोदोबनिफ्राय गुस्तायनानै फैनाय। दुग्ध संस्कृत सोदोबा गुस्तायबोनानै दुध जाफेदों। बिब्दिनो जों बयबो

माखासे गोबां सोदोब बाहायो, जायफोरनि बागै जों गायै मिबथिया। जैरै चाय होन्नायाव बुंनाय हिन्दी सोदोबाबो आंगो नङ। बेयो संस्कृत आरो उर्दुबो नङ। फारसेथिं फारसिनिफ्रायबो लाबोनाय नङ। गुबैयै चाय सोदोबा चीनी रावनिफ्राय फैनाय सोदोब, जायखौ जेबो सोलाया जासे हिन्दीआवबो चाय होन्नानै नो बाहायो।

पाकिस्ताननि गावहरनाय बेलिस्टिक मिसाइल फातेह-1 खौ भारतयारि एयार डिफेन्स सिस्टेमआ बारआवनो सिलिंखार खालामदों

गोदान दिल्ली, 10 मे: भारत आरो पाकिस्ताननि गेजेराव सोलिनाय जेंनानि गेजेरजों पाकिस्तानआ गिदिर गोरोस्थि खालामनानै भारतनि सायाव फातेह-1 मिसाइल गावहरदों। भारतयारि एयार डिफेन्स सिस्टेमआ पाकिस्ताननि मिसाइलखौ माखासे मिनिटनि गेजेरावनो बारआव गावखलायो। सुलुनि बादिल्ला, फातेह-1 आ मोनसे बेलिस्टिक मिसाइल आरो बेखौ गोबां गिखंथाव महरैबो गनायनानै लानाय जायो। पाकिस्तानआ बे मिसाइलनि गेजेरजों भारतनि सोनाब ओन्सोलाव मोनसे सोलोखान्थियारि थांखिखौ नोजोर होगासिनो दङमोन। फातेह-1 आ मोनसे गाइडेड माल्टिपल लन्च रंकेट सिस्टेम, जाय एडभान्स टेक्नलजीजों



लेस जानाय। 140 कि:मि:नि रेन्ज थानाय बे मिसाइलआ माखासे रोखोमनि वारहेडखौ लानानै थानायावबो जाफुंसारनो हायो। बे मिसाइलखौ ट्राकनि सायाव बिथा खालामग्रा

लान्सारजों गावहरनो हायो। भारतजों लान्स्थियै जेंना बांनयनि गेजेरजों पाकिस्तानआ गावनि एयारस्पेसखौ आआबुडै बन्द खालामनो थांखि लादों। बिसोर सान्जौफुनि 12 रिगासिमआव

गासैं उरां जाहाजफोरखौ होबथायो। रावलपिन्डि आरो रफिकी एयारबेसआव गाग्लोबनायनि उनाव पाकिस्तानआ बे थांखिखौ लादों।

रिलाइन्स पावारआ 3 दानाव 126 कौटि रांनि गुबै मुलाम्फा मोन्दों



बोसोरनि जोबथा एबा ब्रैथि 3 दानाव बेनि गासैं इनकामआ 2066 कौटिमोन, जाय बेनि सिगां बोसोरनि एखे समाव 2193.85 कौटि रांमोन। रिलाइन्स पावारआ फोरमायदोंदि, 4 थि 3 दानाव कम्पानीनि गासैं खरसाया 1998.49 कौटि रांमोन, जाय सिगां बोसोरनि एखे समाव

2815.15 कौटि रांमोन। मख'जाथावदि, शुक्रबारआव रिलाइन्स पावारनि शेरारआ एनएसइआव 1.39 जौखोन्दो बांनयजों 38.79 रांनि बेसेनाव बन्द' जादों। बे सानाव कम्पानीनि शेरारआ 38.89 रांनि इन्ट्राडे हाइनिफ्राय लानानै 37.00 रांनि इन्ट्राडे ल'सिम सौहैयो।

भारत पाकिस्तान दावहानि गेजेरजों बर्डरआव थानाय बाइमेराव हाइ रेड एलार्ट

जम्मु-काश्मीर, 10 मे : भारत-पाकिस्ताननि गेजेराव दावहा सोलिनायनि गेजेरजों आथिखालाव भारतआ पाकिस्तान बर्डरआव थानाय बाइमेरआ शनिबार खालि फुडव 'हाइ रेड एलार्ट' आव फैयो। खुंथाय फालांगिरिफोरखौ थाबैनो गावबा गावनि फसंथानफोरखौ बन्द' खालामनानै न'आव थांनो बिथोन होयो। सहराव गोख्रैयै सायसन गाबनो हमो। बाजारफोराव बेरायबाय थानाय सुबुंफोरखौ न'आव थांनो खावलायो। बाइमेरआव बेनि सिगां शुक्रबार हर आरो शनिबार फुडव रेड एलार्ट फोसावदोंमोन। बाजारव पुलिसनि पेट्रुलिंआ गोख्रों जायो आरो सुबुंफोरखौ थाब-थाब न'फोराव दैथाइ हरनाय जायो। बाइमेरजों लोगोसेनो बर्डराव थानाय जेसलमेरआवबो फुंनि समाव रेड एलार्ट फोसावफिनो। बेनि उनाव जेसलमेर सहरनि बाजारखौ बन्द' खालामहोनो हमो। जिल्ला कालेक्टर आरो एसपिआ राउन्डआव ओखारो। मानोना बेयावबो पाकिस्ताननि फारसेनिफ्राय गाग्लोबनायनि सन्देह' दं। भारतयारि सांस्थि आरो बिएसएफआ लान्स्थियै थियारियै दं। पुलिस खुंथाया सुबुंफोरखौ न'आवनो थानो आरो माब्लाबाबो ज'मा जाम थानो नङा होन्ना बिथोन होदों। गासैं रोखोमनि हाबाफारि खुंथाइनि सायाव आबुडै होबथानाय जादों। बेरा फारसे बर्डरआव थानाय श्रीगंगानगर जिल्लायाव दिनै फुडव गोख्रोडै बेरफुनायनि सोदोब खोनानो मोन्नाय जादों। बे बेरफुनाया श्रीगंगानगरनि हिन्दुमलकड आरो सुजालपुर ओन्सोलाव जादों होन्ना सुलुडाव फोरमायनाय जादों।

मार्सिडिसनि गारिफोरखौ बेसेन बारायनो थांखि लादों



गोदान दिल्ली, 10 मे: मार्सिडिसनि कार बायनो थियारि जानाय सुबुंफोरनि थाखाय मोनसे गोनांथार रादाब। कम्पानीआ फैगौ सानफोराव गावनि गारिनि बेसेनखौ बांहोगोन। लाकजारी गारि कम्पानी मार्सिडिस-बेन्ज इन्डियानि फासैंनिफ्राय मिथिहोनाय बादिल्ला, कम्पानीआ बे बोसोराव मोननै खोलोबआव गावनि मडेलनि श्वरुम बेसेनआ 90,000 निफ्राय लानानै 12.2 लाख रांसिम बांहोगोन। फैगौ जुन आरो सेप्टेम्बरआव जानो गोनां बेसेन बांनयनि उनाव मार्सिडिसनि सि-क्लास मडेलनि बेसेनआ 90,000 रां बांगोन आरो मार्सिडिस-मेबेक 680 मडेलनि बेसेनआ 12.2 लाख रांसिम बांगोन। मार्सिडिसआ फैगौ जुननिफ्राय बे मडेलनि

बेसेनआव 1-2 जौखोन्दो आरो 1 सेप्टेम्बरनिफ्राय 1.5 जौखोन्दो बांहोनायनि थांखि लादों। मार्सिडिस-बेन्ज इन्डियानि सामलायगिरि बिथोनगिरि आरो गाहाइ सामलायगिरि बिबानगिरि सन्तष अय्यरआ बुंदोंदि, मोननै खोलोबआव जानो गोनां बेसेन बांनया बायग्राफोरनि सायाव रंखास्थियारि गोहोमखौ खम कालामनायनि थाखाय जागोन। मोननै खोलोबआव गासैं 3 जौखोन्दो बेसेन बांनयनि थांखि दङ। बिथाड बुंदोंदि, थांनय 4 दानफोराव बाजारआव रांनि भेल्युआ खम जादों। इउर'नि रुजुनायाव भारतीय रांनि मिनिमाम हारआव 10 जौखोन्दो दावक्लायदों, जायजों गावसिनि फालांगि खालामनायाव गोनां जानाय बेसेनआ गोबां बांसिन्दों।

अनजालु

अनजालु नौनि महरा मानो एसे समायना..... ?
बुंनो हाया मानो नौनि महरखौ ?
रावजोंबो रुजु जाया मानो नौनि महरा..... ?
सोर बिमाया जोनोम होआ नोंखौ अनजालु..... ?
गाराड नौनि बेसेबा गोदै मिनियो नों बेसेबा समायना।
दिहुनो नों रिंजि हाथाय थाबायो नों देबल देबला
अनजालु मा एसे मुहिनी दं नौनाव..... ?
मोसायो नोंजों लोगोआव हान्जा सिखिरिया बाज्ल बाज्ल गां फुवारना ॥

मिस सांनिया मोसाहरो
गामि-हलतुगाव।

6

बिलाड़

कक्राझार, रविवार ११ मे, २०२५

कक्राझारआव आइजो फुटबल सेम्पियनसिपआ जागायजेनबाय

कक्राझार, १० मे: कक्राझार गोनांदि, कक्राझार जिल्ला गेलेमु गे ले नायाव एनआरएल सहरनि खान्थालगुरिआव थानाय आफादनि बान्जायनायाव बेखौ एफ सिआ ७–२ गलनि साइ (एसएआइ) नि फुटबल लोब्बा लानानै दिनै बेखेवनाय फारागथियाव साइ एसिखौ फोथारआव दिनैनफ़्राय ३थि गे ले नायखौ साइ एसि, फे जेन्नानै देरहानो हायो। आइजो इन्टर क्लाब फुटबल कक्राझार आरो एनआरएल से म्पियनसिप–२०२५ आ एफ सिनि गे जे राव गेलेमु आफादनि सिङव थनाय जागायजेनबाय। मख 'नो बादायलायदों। बेखेवनाय मोन ६ हान्जाफोरा बाहागो

(1 बिलाइनफ़्राय)

दावहा दोन्थ 'नायनि ४ घन्टानि उनावनो भारत आरो पाकिस्ताननि दावहाया जागायफिन्दों

बादिब्ला, दावहा दोन्थ 'नायनि ४ घन्टा उनावनो जम्मु–काश्मीरनि चांबा, राजौरी, अकनुर आरो उधमपुरआव पाकिस्ताननिफ़्राय लान्थ्रियै गुलि गावहरनाया सोलिबाय थादों। काश्मीरनि अनगायै बे एखे समावनो गुजरतनि सिमा ओन्सोल हरामि नाला आरो खारवा ओन्सोलाव पाकिस्ताननि इनखौ नुनो जादों। गुजरात, राजस्ताननि माखासे ओन्सोलफोराव पाकिस्ताननि इनखौ नुनाय लोगो लोगो एयर डिफेन्स सिस्टेमआ पाकिस्ताननि इनफोरखौ गावख्लायदों, जायनि थाखाय बे ओन्सोलफोरखौ ब्लेकआउट खालामनाय जायो। बे ओन्सोलाव एयर रेज साइरेनबो गाबहोनाय जादों। लोगोसे जायगानि सुबुंफोरखौ 'न' सिङवनो थानो आरो लाइट फोजोङ जासे थानो बिथोन होदों। मखनाय जायोदि, आमेरिकानि हादतगिरि डनाल्ड ट्रम्पआ 'एक्स' नि गेजेरजों भारत आरो पाकिस्तानआ दावहा दोन्थ 'नायनि थाखाय गनायथि लायनायनि बाश्त्राखौ मख 'नायनि उनावनो भारतनि गुबुन हादतआरि नेहाथारि बिक्रम मिश्रीआबो भारतनिफ़्राय दावहा दोन्थ 'नायखौ फोसावना होदोंमोन। मोनसे खौरंगिरि मेलाव बिक्रम मिश्रीआ बुंदोमोनदि, बेलासिनि ३:३५ रिगासिम पाकिस्ताननि डिरेक्ट्र जेनेरेल अफ मिलिटारि अपारेशन (डिजेएमअ)आ भारतनि डिजेएमअसिम फन खालामदोंमोन। बे समावनो पाकिस्ताननिफ़्राय दावहा दोन्थ 'नानि थांखिलाइ होयो। दरनैबो हादतनि गेजेराव हा, अखां आरो लैथो गासैबोनिफ़्राय दरनैबो हादतनि गेजेराव जावजों–गाव गाग्लोबलायनाय, गुलि गावनाय आरो सान्थ्रिनि मावफुं खामानि मावनाया बेलासिनि ५:०० रिगानिफ़्राय बन्द' खालामलायनो थाखाय गनायथि होलायदोंमोन। बे थांखिखौ मावफुंनो थाखाय दरनैबो हादतनि गेजेराव बिथोन होलायदोंमोन। मख 'नो गोनांदि, १२ मे अक्टखालि सान्जौफुंनि १२:०० रिगायाव बे आयदाखौ लानानै मोनैबो हान्जानि गेजेराव फिन बाश्त्रा सावरायलायगोननि बाश्त्रामोन। नाथाय पाकिस्तान हादतआ गावसिनि अहंखारखौ लानानै दावहा दोन्थ 'नाय खात्थिखौ सिफायनानै भारत फारसे गुलि गावहरो। बेराफासँ, भारतआबो पाकिस्ताननि बेबादि आरबुआव सिरियै थायालासे पाकिस्ताननो गोखों फिन्नाय होनो थाखाय जान्जि खाफ़्रायो। 1

चि.के. दख 'रा एबसुआ मेट्रिक आरो एइस.एस. जोबथा आन्जादआव सेथि थाखोआव उथिनाय फरायसाफोरखौ मान बाउदों

दावधारा दालाइसा एबसुनि हेफाजाबजों बाक्सा जिल्ला सिमला पुलिस थानानि सिङव थनाय दावधारा कमला बाजारव २०२५ इं माइथायनि मेट्रिक आरो जौसिन गेजेरारि फरायसालिनि जोबथा आन्जादाव बर' बिजोंजों फरायनानै सेथि थाखोआव उश्त्रिसार जानो हानाय फरायसाफोरखौ मान बाउनायजों लोगोसे बरायो। मख 'नो गोनांदि, गुबुन गुबुन जिल्लाफोरनि मादाव बाक्सा जिल्लायाबो मेट्रिक आरो जौसिन गेजेरारि फरायसालिनि आन्जादनि रिजाल्टाव मख 'जानाय गिबि सारियाव थानो हानाय मोनसे जिल्ला। देग्लायनि २०२५ इं माइथायनि जौसिन गेजेरारि फरायसालिनि जोबथा आन्जाद एबा एइस.एस. जोबथा आन्जादआव आरिमु (आर्टस), फालांगि (कमारचं) आरो बिगियान (साइन्स) आयदायावनो बि.टि.आरनि गुबुन गुबुन जिल्लाफोरनि गेजेराव साबसिन रिजाल्ट मोन्नो हादों।

मख 'बावनो गोनांदि, गोजौआव मख 'नाय बायदिनो दिनै चापागुरि ककलाबारि दख 'रा एबसुआ दावधारा दालाइसा एबसुनि हेफाजाबजों दख 'रानि बेन्दोंआव थानाय मेट्रिक आरो जौसिन गेजेरारि फरायसालिनि आन्जादाव बर' बिजोंजों फरायनानै सेथि थाखोआव उश्त्रिसार जानो हानाय फरायसाफोरखौ टप–१० सुलय 'नानै मान बाउनायजों लोगोसे बरायनाय हाबाफारि लादों। बे हाबाफारिया फुंबिलि समाव दुलाराय बर' फरायसा आफादनि गोथार आर'ज गाबनायजों जागायदों आरो लोगो लोगो बड'फा उपुन्द्र नाथ ब्रह्मनि सावगारियाव जेवारि फोजोंजेनगिरि आरो बिबार बाउजेनगिरि आलासि महरै बाहागो लाफैनानै हाबाफारिखौ मावफुंनानै होयो सालबारि जौसिन गेजेरारि फरायसालिनि आयदा फोरोंगिरि बिजित बसुमतारि बिथाङ। मेल बेखेवगिरि आलासि महरै बाहागो लाफैयो २२ नं ककलाबारि बि टि सि बियाबनि एम सि एल ए मन्तु बर' बिथाङ। गाहाइ आलासि महरै बाहागो लाफैयो दुलाराय बर' फरायसा आफादनि सोलोंथाइ नेहाथारि सोमावसार बसुमतारि आरो जर'खा आलासि महरै बाहागो लाफैयो बाक्सा जिल्ला एब्सुनि आफादगिरि नन्देस्वर बर' बिथाङ। बिथामोनजों लोगोसे बे हाबाफारियावनो चि.के. हालामनि गाहाइ फोरोंगिरिफोर, फोरोंगिरिफोर समाज सिबियारि दैदनैगिरिनि बिथामोननि नुजाथिनायाव बे हाबाफारिया मेहेर गोनाङे जालाङे। सोलोंथाइ बिथिङ आथिखालाव बि.टि.आरआव माबायदि सोलायनाय जौगानाय फैदों बेनि सायाव गोलाव बाश्त्रा बुंथिनायजों लोगोसे २२ नं ककलाबारि बि टि सि बियाबनि एम सि एल ए मन्तु बर'आ खौरंगिरिनि गेजेरजों थानाय ५ बोसोर सिगानिफ़्राय बि.टि.आर सरकार दानायनि उनाव सोलोंथाइ बिथिङव गोबां जौगानाय फैदों आरो आसामनि गेजेरावनो गोजौ सारियाव मोनहैनो हादों। बेजों लोगोसे बिथाङ फोरमायबावदोंदि, थानाय ३ बोसोर सिग्रांनिफ़्राय बि.टि.आर सरकार दानायनि उनाव फुजा–मेला, आरो लांदां जायगाफोराव जौ–जुवा बायदि बायदि होनायखौ होबथानो हादों आरो ओनसोलाव जानाय उन्देसाफोरनि ट्राम्स, गान्जा जानायफोरखौ माखासे समाजारि आफादफोरजों जथाइथे सावरायना दबथानयो थांखि लादों होत्रा फोरमायो एम सि एल ए मन्तु बर'आ। 1

बेसलर डिग्री उथिनाय आरो बिजिरसंग्रा फरायसाफोरनो गिबि मन्थ्रि ऊ हिमन्त बिश्व शर्माआ एककालिन रां अन्सुंथाय होनो फोसावबाय

एककालिन अन्सुंथाय गथायनायनि बाश्त्राखौबो गिबि मन्थ्रिआ फोरमायना होदों। दिनैनै खौरंगिरि मेलावनो गिबि मन्थ्रिआ माखासे मख 'जाथाव आयदाफोरखौ फोसावना होयो। गिबि मन्थ्रिनि जिउ थुलुंगाखां बिथांखिखौ केबिनेटआ गनायथि होयो। जायखौ १ जुननिफ़्राय आर'ज थिसन्नो हागोन। फारसेथिं, २०२४–२५ माइथायाव बेसलर डिग्री मोन्नाय फरायसाफोरा २५ रोजा रङे मोन्नो हागोन। नाथाय गावआरि सोलोंथाय फसंथाननि फरायसाफोर बे खाबुखौ मोन्नाय नङ। मुलुगसोलोंसालि बिजिरसंग्रा फरायसाफोरनोबो २० रोजा राङे एककालिनि बिथामोननि अन्सुंथाय गथायनो राइज्यो सरकारआ। बेंगुय बिजिरसंग्रा फरायसाफोरनि थाखाय ४० रोजा राङे गथायगोन। फैगौ दानाव आसाम बिथान सभानि सानसेनि जथ्रुम खुंनाय जागोन। बेयावनो केबिनेटनि माखासे थांखि लानायफोरखौ मख 'नानै गनायथि होनाय जागोन।गिबि मन्थ्रि ऊ हिमन्त बिश्व शर्माआ खौरंगिरि मेलावनो सरकारनि ४ बोसोर आबुं जानायनि बाश्त्राखौबो मख 'दों। बिथाङ बुंदोंदि, दिनैनै सानआ जौंनि थाखाय गोनांथार सान। केंप्रेसी नङे सरकारआ ९ बोसोर लान्थ्रियै बारलान्बाय। ४ बोसोराव मोन्थाम आयदाया जोबोद गोनांथार। ४ बोसोराव आसामआ फोथायथावै गोजोन्नायखौ मोन्नो हादों। जायखि जाया गोजोन गैयैनै थासारि सोमजियाखै। राइज्योनि हारिआरि सुबुंफोरनि गेजेराव गोरोबलायनाय सोमजिदों। आगुआव माबाब्लाबो बेबादि थासारि गैयामोन। गोजोन, गोरोबलायनायजों लोगोसे बे सरकारनि सानाव जोगाफासय फैदों। थानाय ४ बोसोराव आं बयनिखुइबो बंसिन गोजोन्नाय मोन्दों। हादतनि आथिखालनि दावहानि थासारियाव साखा–फारा जानायखौबो गिबि मन्थ्रिआ बिबुंथि लाखिदों। गिबि मन्थ्रिआ बुंदोंदि, कथिङनि समाव जैरेबादि फाहामसालिफोराव जोङे अडिट खालामदोंमोन, बेबादिनो फिन खालामफिन्नो नागिरदों। आर्मि, एयारपचं केम्पनि साखाथियाव थानाय नख 'रफोरसो फोरोंथाय होनांगौ। आर्मिनि नख 'रनो जायखि जाया हेफाजाबनि गोनांथि जायोब्ला जोङे हेफाजाब होगोन। नख 'रफोराव जैरेबादि खाबुनि गोनांथि जायो, बेखौ सरकारआ मावफुंगोन होन्नानैबो खौरंगिरि मेलाव मख 'दों। बेनि थाखाय जिल्ला खुंथाया कन्ट्रल रुमखौ जागायजेनगोन। फैगौ जुन दानाव रेसन कार्डनि मुलाम्फायारिफोरा ३ दाननि माइरंखौ जयै मोनगोन। बेनि सोमोन्दै बिथाङ बुंदोंदि, दानफ़्रोमबो आसामाव माइरं फैयो आरो रेसन कार्डनि गेजेरजों माइरंफोरखौ गथायनाय जायो। भारत सरकारआ हास्थायदादि, सरकारनि लजिस्ट्रक्स रैस्पनसिबिलिटिखौ बाङइ खालामलांनांगोन। ज़ादथि सरकारआ गुबुन बिथिङव गोहो बाहायनो हायो। भारत सरकारआ हांखायदोंदि, गावसोर ३ दाननि माइरंखौ ज 'थै गथायगोन। नेसनेल फुड सिकिउरिटिनि एक्टनि सिङव ३ दाननि माइरंखौ जुन दानाव जयै होनाय जागोन। ५ कि:ग्रा: माइरंखौनो मोनगोन, नाथाय ३ दाननि थाखाय जयै गथायनाय जागोन। 1



लाफैदों आरो बादायलायनाय रन्जन ब्रह्म, गाहाइ नेहाथारि गेलेनाया दिनैनैनिफ़्राय फैगौ २४ मेसिम खुं'जागोन होन्ना आफादनि लेङइ आफादगिरि बिस्वजित औवारी आरो मागुराम बाग्लारीआ फोरमायना होदों। बेखेवनाय हाबाफारियाव बिनय बसुमतारिमोनहा बाहागो आफादनि आफादगिरि कबिर लाफैदोंमोन। 1

(1 बिलाइनफ़्राय)

लोगिं थियेटार गुपनि १६थि गाइसन्थाय सान फालिदों

आगान होफैबाय। लोगिं थियेटार गुपनि १६थि गाइसन्थाय सानखौ दिनै कक्राझारनि गौरां दैसा सेर चान्दामारियाव थानाय गाहाइ मावखुलियावनो फालिनाय जायो। हाबाफारि बायदियै फुंबिलि समाव आफादनि गोथार फिरफिला बिरहोनाय, रंसारि जालानाय महरगिरिफोरनो मान बाउनाय आरो सुबुंथिनि थान्दै बिनेस्वर ब्रह्मनि मांखरसालियाव बिबार गावनाय आरो बड'फा कायत्सारेल कमप्लेक्सआव बिफां फुलि गायनाय जायो। फुंबिलिनि हाबाफारिया जोबनायनि उनाव सानजौफु समाव मोनसे सावराय मेल हाबाफारि लानाय जायो। लोगिं थियेटार गुपनि आफादगिरि सोमदोन ब्रह्मनि मासि लानानै दैदेन्नाय बे सावराय मेलाव गाहाइ आलासि महरै बाहागो लायो दुलाराय बर' हारिमु आफादनि गाहाइ नेहाथारि बिजितगिरि बसुमतारिआ। बिथाङ गावनि बिबुंथियाव थानाय १६ बोसोराव बर' हारिमुआव बेसेन गोसा बिहोमा होबोनायनि थाखाय लोगिं थियेटार गुपनिस्िम दिनै गाइसन्थाय सानाव गाहाम हामलायथि जासियो आरो बे गुपजों लोब्बा लाखिनानै खामानि मावबोनाय साफ़्रोमबो बिबानगिरि आरो सोद्रोमाफोरखौ फैबाय थानाय समाव बर' हारिमुखौ जौगाहोनायाव बांसिन खामानि मावलांनो बोसोन होलाङे। दिनैनै बे गाइसन्थाय सान फालिनायनि लोब्बायैनो लोगिं थियेटार गुपआव थानानै खामानि मावनायनि गेजेरजोंबो फरायनानै देग्लायनि मेट्रिक आन्जाद आरो हायार सेकेन्डारि जोबथा आन्जादआव उश्त्रिसार जानो हानाय फरायसाफोरखौ मान बाउनाय जायो। मख 'नाय जायोदि, सन्जिब कुमार ब्रह्मनि दैदेन्नायजों लोगिं थियेटार गुपआ ड्रामा एबा थुनफावथाइ दिन्थिफुंनायनि गेजेरजों ओन्सोलनि लाइमोन सेंग्रा–सिख्लाफोरनो थियेटारनि फोरोंथाइ आरो बर'नि दोरोङरि मोसानाय, खाम, सिफुं, सेरजा, जथा बायदि दामजआरि दामनायनि फोरोंथाइ होबोदों। लोगोसे मख 'बावनांगोनदि, गावसोरनि गोखों नाजानायनि गेजेरजों लोगिं थियेटार गुपआ माहारियारि थाखोसिम मान मोन्नो हादों। सन्जिब कुमार ब्रह्मनि दैदेन्नायावनो लोगिं थियेटार गुपनि मोसाखावरि हान्जाया हादरनि गुबुन गुबुन राइज्योफोराव खुंजानाय गोबांथार हारिमायारि थाखोनि हाबाफारिफोराव बाहागो लाहैनानै मोसानानै दिन्थिहेखांवाय। दिनैनै बे लोगिं थियेटार गुपनि १६थि गाइसन्थाय सान फालिनाय हाबाफारियाव लोगिं थियेटार गुपनि आफादगिरि सोमदोन ब्रह्म, गाहाइ नेहाथारि सन्जिब कुमार ब्रह्म, दुलाराय बर' हारिमु आफादनि गाहाइ नेहाथारि बिजितगिरि बसुमतारि, बन्तगाव दख'रा दुलाराय बर' फरायसा आफादनि आफादगिरि बिकाश मोसाहारि, कक्राझार जिल्ला दुलाराय बर' हारिमु आफादनि गाहाइ नेहाथारि अनिरूद्ध ब्रह्ममोनहा आलासि महरै बाहागो लायो। 1

२४थि अल इण्डिया जोहोलाव बालिराम बर' स'ना काप जोलुर बादायलायनायनि अदिङ रिपोर्ट होनाय हाबाफारिया जोबलांवाय

जोलुर बादायलायनाय। बेनिनो थानाय २०२४ माइथायाव जालानाय बे बादायलायनायनि रांङरि अडित रिपोर्ट होनाय हाबाफारिया दिनै हरिसिंगा दख 'रा दुलाराइ बर' फरायसा आफादनि मावख' लांगोना मोखांआव जानानै थाङे। बान्जाय आफादनि मावफुं आफादगिरि हेमेन बसुमतारीनि मासि लानानै दैदेन्नाय दिनैनै बे हाबाफारिखौ बेखेवना होयो थानाय २०२४ बोसोराव खुंफुंजालानाय २४थि अल इण्डिया जोहोलाव बालिराम बर' स'ना काप चेम्पियनसिपनि लिंथुमगिरि नजित दैमारिया। बान्जाय आफादजों दानानै होजानाय अडिटर महरै मिन्तु बाग्लारीया थानाय बोसोराव बादायलायनायनि मुङव आखाइयाव जमा जानाय आरो बाहाय जानाय गासँ रांनि सायाव रोखा फोरमाय'थिना होयो। बिथां बाग्लारिया फोरमायनाय बायदिब्ला, बान्जाय आफादनि आखायाव गासँ जमा जानाय रांनि अनजिमाया ११,३८,५४३ रांमोन, बेनिनो गासँ रांआ खरसा जायो ११,७०,३०६ रां आरो बेनिनो आखायाव दासिमाव जमा जानानै थानाय रांआ ३७,३९९ रां होन्ना फोरमायनानै होयो। बेराफासँ, बेजों लोगोसे देग्लाय बोसोराव अल इण्डिया जोहोलाव बालिराम बर' सना काप चेम्पियनसिप जोलुर बादायलायनाया २५थि बोसोराव आगान होनायखौ लानानै रुफाथि माइथाय खुंनो थाखायबो दानिफ़्रायनो बान्जाय आफाद दाफुंनायनि गेजेरजों साखा फारा जानायखौबो दिनैनै सानाव नुनो मोन्नाय जादों। दुलाराय बर' हारिमु आफादनि आफादगिरि बिजुवेल नेलसन दैमारि, उदालगुरि जिल्ला दुलाराय बर' फरायसा आफादनि बारग' गाहाइ नेहाथारि निजोमसा बर', हरिसिंगा रिजनेल स्पर्टस एससियेसननि बिबानगिरि, उदालगुरि जिल्ला दुलाराय बर' फरायसा आफादनि नेहाथारी रमेन रामचवियरि, लाइब्रेरीरियान नेहाथारि भवेन बर', आगु आरो दानि दख 'रा आफादनि आफादगिरि गाहाइ नेहाथारि, ओनसोलनि समाज सिबियारी राइजो राजाफोरनि बाहागो लानायाव दिनैनै बे हाबाफारिया जाफुंसार महर मोत्रो हायो। 1

गुवाहाटीनि थागिरिफोरा आथिखालनिफ़्राय पाइपजों मिथिंगायारि गेस मोन्नो हासिगोन

बेखौ लोब्बा लानानै गावनि बिबुंथियाव गिबि मन्थ्रि ऊ शर्माआ दिनैनै सानखौ मोनसे गोगाथावनि सान होन्नानै पुर्ब भारती प्राइभेट लिमिटेडनि गेजेरजों पाइपजों मिथिंगायारि गेस जगायनायनि थांखिखौ इयुनिनि मोनसे गोजों जागायजेन्नाय होन्ना बुङे। बिथाङ बुंदोंदि, कामरुप आरो कामरुप नोगोरमा जिल्ला आरो काछार, हाइलाकान्डि आरो श्रीभुमि जिल्लयााव सिति गेस गथायग्रा नेटवार्क गायसन्नायनि थांखिजों आसाम गेस कम्पानी लिमिटेड, अइल इन्डिया लिमिटेड आरो गेइल गेस मिलिटेडनि जुथाय फसंथान महरै पुर्ब भारती प्राइभेट लिमिटेड लानाय जादोंमोन। मिरु सरकारआ मोनसे गेबें टेन्डर हाबाफारिनि गेजेरजों आसामाव सिति गेस गथायग्रा नेटवार्क गायसन्नायनि खामानिखौ जागायजेन्दों होन्नानै बिथाङ बुंदोंदि, राइज्योनि गुबुन गुबुन ओन्सोलावबो बेबादिनो पाइपनि गेजेरजों मिथिंगायारि गेस जगायनायनि थांखि लानानै खामानिफोरखौ लाबाय थानाय जादों। बेबादिनो मिथिंगायारि गेस जगायनायनि खामानियाव लोब्बा थानाय गुबुन गावआरि खोन्दोनि फसंथानफोरनि रुजुनायाव पुर्ब भारती गेस प्राइभेट लिमिटेडआ गोखै गुवाहाटीआव पाइपनि गेजेरजों गेस जगायनायनि खामानिखो आबुं खालामनाय खामानिया फसंथाननि सांग्राथिखौ दिन्थिदों होन्ना बुङे। गिबि मन्थ्रिआ फोरमायना होदोंदि, पुर्ब भारती गेस प्राइभेट लिमिटेडआ बे गासै बिथांखियाव २६१६.९६ कौटि रां बाहायगोन आरो कामरुप आरो कामरुप नोगोरमा जिल्लयााव बे खामानियाव २०२८ माइथायनि ३० सेप्टेम्बरनि गेजेराव आबुं जागोन। गुबुनफासँ, हाव', शुवालकुसि, रंडिया आरो बाइहाला चारिआलिआव पाइपनि गेजेरजों गेस जगायनायनि गुदि खामानिखौ गोथारै बेखेवनायनि बाश्त्राखौ मख 'नानै गिबि मन्थ्रि ऊ शर्माआ बुंदोंदि, दिल्लीनि माहारियारि राजथावनि ओन्सोलबादि गुवाहाटीखौ मिरु खालामनानै राइज्योआरि राजथावनि ओन्सोल दानायनि थासारिया मोनसे लासै–लासै दाफुंजानो लाबाय। थांखिलाइ लानाय रि रंडनि खामानिया आबुं जानायनि उनाव गुवाहाटीनि साखाथियाव थानाय बे ओन्सोलफोरा गुबैयै रि मोनसेनि लामा जागोन। बिथाङ मख 'दोंदि, सोलिफु बोसोरनि दिरैम्बर दानाव गुवाहाटी–सा गुवाहाटी दालांनि खामानिया आबुं जागोन। गुबुनफासँ आथिखालाव गोखै लुनाय खामानिया खामानि सोलिबाय थानाय पलासबारि–शुवालकुसि दालांनि खामानिया २०२७ माइथायाव जोबगोन। बेबादिनो नारेंगि–पुरुवा फोनांजाब दालां लुनाया आबुं जानायनि उनाव आथिखालाव गुवाहाटीनि साखाथियाव थानाय मोनसे देदेत ओन्सोलनिफ़्राय नोगोरमासिम हान्था–मेला खालामनाया मोनसे समाव जोबोद मोजां आरो बाङइ समनि गेजेराव फैनो हानाय जागोन। गावनि बिबुंथियाव गिबि मन्थ्रिआ राइज्योआव सिएनसि स्टेसननि अनजिमाखौ बांहोनो गोनांथि होयो। बिथाङ बुंदोंदि, दिल्लीजों लोगोसे हादतनि गोबां ओन्सोलाव बेबादि सिएनजि स्टेसनआ आथिखालाव गायसनजाबाय। गिबि मन्थ्रिआ गावनि बिबुंथियाव गुवाहाटी नोगोरमाजों लोगोसे माहारियारि राजा लामानि साखाथिफोराव सिएनजि स्टेसननि अनजिमाखौ बांहोनायाव गोनांथि होयो। बिथाङ लोगोसे मख 'दोंदि, राइज्योआव आथिखाल समाव गं २३ बेबादि स्टेसन दङ आरो शिलचरनि उनाव हाइलाकान्डि आरो श्रीभुमिआव बेबादि स्टेसनखौ गायसन्नायनि थांखि लादों। बिथाङ लोगोसे पुर्ब भारती प्राइभेट लिमिटेडखौ सैथोथि आरो हाबाफारि बादियै खामानिफोरखौ लाखिलांबाय थानोबो खोबलायदों। दिनैनै बे हाबाफारिखौ लानानै पुर्ब भारती गेस प्राइभेट लिमिटेडआ दिहुन्नाय शिखा मुंनि गोसोखां लाइसिखौबो गिबि मन्थ्रिआ हाबाफारि बादियै बेखेवना होयो। दिनैनै बे हाबाफारियाव उद्यग, फालांगि आरो राइज्योआरि फसंथान बिफाननि मन्थ्रि बिमल बरा, सुबुं देहा कारिकरि बिफाननि मन्थ्रि जयन्त मल्ल बरूवा, हाज' बियाबनि एमएलए सुमन हरिप्रिया, गाहाइ नेहाथारि ऊ रबिकता, पुर्ब भारती गेस प्राइभेट लिमिटेडनि गाहाइ मावफुं बिबानगिरि मनज बरूवा, आसाम गेस कम्पानी लिमिटेडनि लेङइ मासिगिरि इन्द्र गगैजों लोगोसे माखासे मान गोनां सुबुंफोरा बाहागो लाफैदों। 1

टिपकाइ गुदि बर' थुनलाइ आफादनि बान्जायनायाव सोलोंथायारि सांग्रांथियारि मेल

हाबाफारिखौ लाबोनायनि उनाव दिनैसिम दाइन्थि खेब बे हाबाफारिखौ लानाय जाबाय। दिनैनै फरायसायानो गोबोननि हादोरगिरि बे नोजोर आरो थांखिजों टिपकाइ ओनसोलनि गुदि फरायसालिफोराव थांडे– थांडेफरायसाफोरनि दिथागिरि आरो फरायसा–फरायसुलिफोरखौ लानानै सोलोंथाइ साग्रांथियारि मेलखौ खुंबोदों। बेबायदिनो दिनैसिम कक्राझार जिल्ला पर्वतझरा महकुमानि सिङव थानाय टिपकाइ गुदि बर' थुनलाइ आफादआ टिपकाइ ओनसोलनि फरायसालिफोराव हाबै – हाबै फरायसा आरो दिथागिरिफोरखौ लानानै सोलोंथाइ सांग्रांथियारि मेल खुंनाया सोलिगासिनो दं। दिनैनै सोनजौफु समाव सिन्दुरि 'झरा गामिनि गुदि फरायसालियाबो सोलोंथाइ सांग्रांथियारि मेल खुंनायनि गेजेरजों सिन्दुरि 'झरा गामिया देग्लायनि मेट्रिक आनजादआव सेथि आरो नैथि थाखोयाव उश्त्रिसार जानो हानाय आरो हायार सेकेन्डारि जोबथा आन्जादआव सेथि आरो नैथि थाखोयाव उश्त्रिसार जानो हानाय फरायसाफोरखौ बरायनायजों लोगोसे मान बाउदों। दिनैनै बे मेलखौनो सामलायो टिपकाइ गुदि बर' थुनलाइ आफादनि दिदोम आफादगिरि आन्दलन ब्रह्मआ। बिथाङ गावनि बिबुंथियाव बुंङेदि, सासे फरायसाखौ गुन गोनां सोलोंथाय मोनहोनोब्बा जौंनि दिथागिरि बिमा – बिफाया बिनो सम आरो मोजां थासारि होनांगोन।दिनैनै मुगाया बादायलायनाय मुगा, जौंनि फरायसा – फरायसुलिफोरा फरायनाय समाव गोसो होना फरायनांगौ होन्नानै बेफोर होनां – गोनां बाश्त्राफोरखौ फरायसा आरो दिथागिरि 'फोरनि गेजेराव गुवारि बुंफुरना होलाङे। बे हाबाफारियावनो बाहागो लाबावयो टिपकाइ गुदि बर' थुनलाइ आफादनि बारग' आफादगिरि प्रताप कुमार ब्रह्मआ। बिथाङबो बाहागो लानानै गावनि बिबुंथियाव बुङेदि, जौंनि फरायसाफोरा फरायनाय हुदाखौ बांहो नांगौ, सोलोंथाइआ जोंनो सोरां होयो, जौंनि दिथागिरि फोरा जेरै सरकारनि नंडे फरायसालियाव गथ'फोरखौ फरायसालिसिम दोनहैयो आरो नेनानै लाबोफिनो बेबायदिनो सरकारि फरायसालियाव फरायनाय फरायसा फोरखौबो बिदिनो जोथोन लानांगौ होत्रानै गावनि बिबुंथियाव बुंथिना होलाङे। बे हाबाफारियावनो बाहागो लाबावयो टिपकाइ गुदि बर' थुनलाइ आफादनि गाहाइ नेहाथारि महिम चन्द्र बसुमतारी आरो रांगिरि थबिन ब्रह्म बिथामोनजों लोगोसे सिन्दुरि 'झरा गामिनि गामि गोरा आरो फरायसुला–फरायसुलि, दिथागिरि बिथामोननि बाहागो लानायनि गेजेरजों दिनैनै सोलोंथाइ सांग्रांथियारि मेल आरो थानाय मेट्रिक आन्जादाव उश्त्रिसार जानो हानाय आरो एइस.एस जोबथा आन्जादआव उश्त्रिसार जानो हानाय फरायसाफोरखौ बरायनाय हाबाफारिया मेहेर गोनांडै जोबनानै थाङे। 1

बौउखुंग्रि फोर्बों खुंनायनि उनाव प्लासटिक, बटल, दाखोर–दालाजों बुंफबदों बाउखुंग्रि हाजोआ

हाजो गाखोनाय फोर्बोंआ सान्थामनि हाबाफारिजों जोबोर गाजा–गोमजायै खुंफुंजादों। नाथाय दुखुनांथाव बाश्त्राया बेसोदि, हाजो गाखोनायनि फोर्बोंआ जोबलांनायनि उनाव बे हाजोनि गोथार मिथिंयारि थासारिया जोबोर गाजि्र महर लादों। प्लासटिक, जो बथल, दाखोर–दालाजों बुंफबदों बाउखुंग्रि हाजोआ। बाउखुंग्रि फोर्बोंआ जोबनानै थानायनि दान मोनसे जालायसेयावबो नाथाय लानुं आफादआ प्लासटिक, जो बथल, दाखोर–दालाजों बुंफबनाय हाजोनि थासारिखौ खौरां लानु एबा नायहैनो सम मोनासै आरो दाखोर–दाला बोस्त्रांनायनि जेबो हाबाफारि लायासै। बे समावनो ओंखारदों मिथिंगा आरो आवहाबा अनफावरि मोनसे हान्जा। बाउखुंग्रि हाजोनि मिथिंगायारि थासारिखौ गोगोयै लाखिफिन्नांगौनि थाखाय सिबस्त्रांनाय साखोन–सिखोन हाबाफारि लादों सांग्रां नोगोरारिफोरनि मोनसे मिथिंगा अनफावरि हान्जाया। कक्राझारनि नोगोरारिफोरनि मोनसे हान्जाया दिनै बाउखुंग्रि हाजोआव साखोन–सिखोननि हाबाफारिखौ मावफुंदों। बावैसौ जोबलांनाय बाउखुंग्रि फोर्बॉनि उनाव गारलंनाय प्लास्टिकनि दाखोर–दाला आरो गुबुन दाखोर–दालाफोरखौ गारनायनि साखोन सिखोन हाबाफारिखौ दिनै मावफुङे। दिनैनै बे साखोन–सिखोन खालामनाय सिबस्त्रांनाय हाबाफारियाव नेरसोन एन जि अ', गान्ज्मा राइडासं क्लाब, बन अस्पु ब्रादासं राइडासं क्लाब, ए.आई.ई.टी. आरो उदां लाइमोन आबहावायारि मावथिफोरजों लोगोसे गुबुन गुबुन जायगायारि आफादफोर आरो लाइमोन हान्जाफोरनिफ़्राय बाहागो लादोंमोन। मावसोम हान्जाफोरा प्लास्टिकनि बथलफोर, जाग्रा आदार रेपार आरो गुबुन बाय'डिग्रेडेबल नङे दाखोर–दालाफोरखौ बुथुमदों, जाय ओन्सोलनि मिथिंगाखौ गुबुले खालामो। गावनि सोरबिथिंआरि गोनांथि आरो इशोरारि गोनांथिनि थाखाय सिनायजानाय बाउखुंग्रि हाजोआ मोनसे मोजां मोनजानाय गाखोग्रा आरो गोथार दावबायग्रा थावनि। बबेखानि, गोबां सुबुं थुबुर जानायनि उनाव गोबां समावनो थावनिखौ दाखोर–दालाजों बुंफबनाय खालामो। मावसोम हान्जाफोरनि बेबायदि हाबाफारि लानाया खालि ओन्सोलखौ साखोन–सिखोन खालामनायल' नङ, नाथाय फोर्बोंफोर आरो राइज्योयारि हाबाफारिफोरनि समाव आबहावाखी सर्रेखा खालामनायनि गोनांथिनि बागैबो सांग्रांथि लाबोदों। बेयो खालि साखोन–सिखोन खालामनायल' नङ– बेयो मोनसे रदाव बिलाइनया, आबहावाखौ खहा खालामाजासे फोर्बोंफोरखौ रंजानो थाखाय थुलुंगा होनो लुबैयो होन्ना साखोन–सिखोन खालामनाय हाबाफारिआव बाहागो लानानै फोरमायदों देथ्सु देनिएल बसुमतारिआ। 1

माहाम देहानि राहा

ओंख्राम संग्रायाव मोननाय माखासे बेसादफोरा उडैनि थाखाय मुलाम्फा गोनां


जुदि नोंथाड गावखौ मोजाडै लाखिनो लुबैयोब्ला गावनि बिबुनि सावस्त्रिखौ मोजाडैजोथोन लानांगौ। उडैजों सोमोन्दो थानाय जेनाफोरनिफ्राय रैखा मोननो थाखाय नोंथाड माखासे मिथिगायारि लोंनायखौ मुलियारि गुनफोरजों बुंफबनाय बिदैखौ सानफ्रोमबोनि आदार बिथांख्याव सोफादेरनो हायो। बेनि थाखाय हालदै आरो बेरे मोदै लानो हागोन, जेराव बे मोनै मुवाफोरखौ सावस्त्रिनि थाखाय जोबोद मुलाम्फा गोनां होनना मानिनाय जायो। बेनि थाखाय गिबियाव दैखौ एसे गुदुं खालामनांगौ आरो गिलाससे दैयाव खावसे सामुस हालदै आरो सामुससे बेरे मोदै गलायनांगौ आरो साबसिन फिथायनि थाखाय बे लोंनायखौ



फुखव उडै खालि लोंनांगौ। जुदि बिबुनि सावस्त्रिखौ साबसिन खालामनो लुबैयोब्ला बेखौ लोंनांगोन। हालदै आरो बेरे मोदैयाव मोन्नाय बायदि रोखोमनि निउट्रियेन्टफोरा उडैजों सोमोन्दो थानाय जेनाफोरखौ फोजोबनायाव मदत होयो। बेजों लोगोसे बेखौ लोंनाया देहाखौ डिटक्सिफाइ खालामनायाव

हेफाजाब होनो हागौ। फलु बायदि जेनानिफ्राय रैखा मोनो थाखायबो बेखौ लोंनो हायो। बेनि अनगायैबो हालदै आरो बेरे मोदैनि दैया गोब्राब आरो खैफोदगोनां बिखानि बेरामफोरनि खैफोदखौ बाडय खालामनो हागौ। बेयो सावस्त्रि आरो बिगुर मोनैनिबो थाखाय मुलाम्फा गोनां।

‘फर्जि 2’ सावथुननि थाखाय शाहिद कापुरआ गोबां फिस लादों



बलिउडनि टेलेन्टेड फावखुंगुर शाहिद कापुरआ गावनि फैनो गोनां वेब सिरिज फर्जि 2 खौ लानानै खौरांआव थादों। खौरांआव मिथिनाय बायदिब्ला, बे सिरिजनि थाखाय शाहिदआ 45 कौटि रं फिस लादों। बे अन्जिमाया बिथांनि केरियारनि दासिमनि बांसिन फिस। फर्जि 2 नि शुटिआ डिसेम्बर 2025 निफ्राय जागायगोन आरो बेनि प्रिमियारआ 2026 नि गेजेरारि द’ दानाव आमैजन प्राइम

भिडिअयाव जानो हागौ। 2023 आव रिलिज जानाय फर्जि सावथुना शाहिद कापुरनि अटिटि डेब्युखौ गोसोआव थाथाव बानायदों। राज एन्ड डिकेनि बिथोन होनायाव बानायजानाय बे ब्लेक कमेजि क्राइम थ्रिलरआ नायगिरिफोरनि गोसोखौ देरहानो हादों। शाहिदजों लोगोसे बिजय सेतुपति के.के. मेनन, राशि खान्ना आरो भुवन अरोड़ा नि समायना स्टारकास्टआ बेखौ

आरोबाव जर’खा बानायजों। गिबि सिजननि गोख्रों जाफुं सारनायनि उनाव अन्साइगिरिफोरा फर्जि 2 खौ गोसो गुदुडै नायनो थाखाय नेनानै दं। पिकविलानि रिपर्टनि बायदिब्ला, राज एन्ड डिकेआ शाहिदजों लोगोसे सिजन 2 नि सल’नि सायाव सावययबाय, जेराव शाहिद, भिजय सेतुपति आरो के.के. मेनननि गेजेराव मुजिथावना बादायलायनायखौ नुनो मोनगोन। शाहिदआ

सरासन्त्तायै सावथुनफोरनि थाखाय 25–30 कौटि रं चार्ज खालामो, नाथाय अटिटि प्रजेक्टनि थाखाय बिथांनि फिसआ आलादा जायो। फर्जि 2 नि थाखाय 45 कौटि रं फिस लादों। बेनि अनगायै, शाहिदआ आथिखालाव भिशाल भास्दवालनि अर्जुन उस्तास’ सावथुननि सुटिआव नोंथाबनानै दं, जेराव तुपति डिमिक, नाना पातेकार आरो रणदिप हुददायाबो दं। बे ग्रेस्टर एक्सन सावथुना 5 डिसेम्बर 2025 आव रिलिज जागोन। शाहिद दिनेश भिजननि कक्टेल् 2 आवबो रश्मिका मन्दाना आरो कृति सेननजों लोगोसे नुजाथिगोन।

‘गडजिला एक्स कं सुपारनभा’ नि मोनसे फिसा टिजार भिडिअखौ फोसावबाय



गडजिला एक्स कंनि सिक्वेलआनो जादों ‘गडजिला एक्स कं सुपारनभा’। बे सावथुनखौ लानानै अन्सायगिरिफोरा जोबोद एक्साइटेड जानानै दडआरो बेनि टाइटेल्निफ्राय लानानै बेनि स्टारकास्ट आरो रिलिज जानाय अक्टूखौ गोसो गुदुडै नेनानै दड। बे सावथुना 26 मार्च, 2027 आव सिनेमाहलफोराव रिलिज जागोन। बेखौ बानायनायनि खामानिखौ जागायबाय। कम्पानीआ मोनसे फिसा टिजार भिडिअबो फोसावदों, जेराव मनार्क मुनि आफादिनि मावखेखौ दिन्थिनाय जादों। भिडिअआव मोनसे हटलाइन नाम्बार दिन्थिनाय जादों,

जेराव कल खालामनानै अन्सायगिरिफोरा खौरां खोनासंनो हागोन। खौराडव बुनाय जादोंदि, टाइटेल्खौ मिबथि होनाया गासै हादतखौ रैखायै दोन्नायाव मदत खालामो। ‘सुपारनभा’ आ मनस्टारभर्सनि 6थि सावथुन, जाय 2024 नि हिट सावथुन ‘गडजिला एक्स कं दा निउ एम्पायार’ नि सिक्वेल। फावखुंगुरआ डेन स्टिभन्स ट्रेपारनि फावआव फिन नुजाथिगोन आरो गोदान फावगिरिफोरनि गेजेराव केटलिन डेवर, जेक अकनेल, डेलराय लिन्ड, मैथ्यू मडिन, एलिसिया डेबनाम–केरि आरो सेम

निलआबो दंफायो। टिजारआव गोबां दिन्थिनाय जायाखै, नाथाय बेयाव एरिजनानि सेडनानिफ्राय मोनसे कल फैयो, जाय ‘गडजिला किं अफ दा मनस्टार्स’ आव स्काइला मुनि राक्षशनि सिस्मोनग्रा जायगामोन। भिडिअआव गडजिलानि बाबलहेड आरो ‘किप कं एन्ड सीरी अन’ लिस्नाय मगखौबो दिन्थिनाय जादों।

फावखुंग्रि सेलिना जेटलीआ अपारेशन सिन्दुरनि सायाव पस्ट खालामनायनि थाखाय ट्रल आरो हुमखि हटजादों

अपारेशन सिन्दुरनि गेजेरजों भारतआ उतखारिफोरजों पेहेलगाम गाग्लोबनायनि थाखाय खिथेर लादों आरो पाकिस्तानआव थानाय बिसोरनि जायगाखौ सिलिंखार खालामदों। बे जाफुंसार जानाय मिशननि उनाव गासै हादतआ सान्त्रि हान्जाफोरखौ मदत होदों। बलिउड सेलिब्रिटिफोरबो सान्त्रि हान्जाफोरखौ बाखायदों। नाथाय बिसोरनि गेजेराव सासे फावखुंग्रिआ अपारेसन सिन्दुरनि सायाव रिएक्ट खालामनाया गोथौ गोहोम गोग्लैदों। बे फावखुंग्रियानो जादों ‘न एन्ट्रि’ नि फेम सेलिना जेटली, जाय आथिखालाव सावथुन मुलुगनि जानगार जानानै दड। बावैसो सिगां सेलिनाआ अपारेशन सिन्दुरनि सापर्टआव सशेल मिडियाआव मोनसे पस्ट सेयार खालामदोंमोन, जायनि उनाव बिथाड ट्रलबो खालामजादों आरो हुमखिबो होजादों। सेलिनाआ ट्रूलिनि सायाव रिएक्सन होदों। बबेखानि सेलिनाआ 7 मेखालि जानाय अपारेशन

बलिउडनि मुंदांखा देंखोगिरि आरो कम्पजार भिशाल मिश्राआ भारत–पाकिस्तान जेंनानि गेजेराव गिदिर बिबुंथि होदों

बलिउडनि मुंदांखा देंखोगिरि आरो कम्पजार भिशाल मिश्राआ भारत–पाकिस्तान जेंनानि गेजेराव गिदिर बिबुंथि होदों। बिथाडा सशेल मिडियाआव फोसावदोंदि, बिथाडा माब्लाबो बन्द’ फालिनो आरो कन्सर्टनि थाखाय तुर्कि आरो आजारबेजानआव थानाय नड। बेरायनो आरो कन्सर्टनि थाखायबो थाड। आनि बाश्चा होनायखौ गोसोआव लाखि। जेब्ला पाकिस्तानआ भारतआव तुर्किनि बानायनाय इन्फोरजों गाग्लोबनाय खौराड सोराडव फैयो अब्ला बिथाडा बे बिबुंथिखौ फोसावदोंमोन। भिशालनि बे बिबुंथिया भारतनि अपारेशन सिन्दुरनि उनाव फैदों। अपारेशन सिन्दुरआ 22 एप्रिलखालि पेहेलगामाव उतखारि गाग्लोबनायनि खिथेरमोन, जेराव सा 26



सुबुंफोरनि जिउ गोमादोंमोन। बेनि उनाव पाकिस्तानआ गासै मोन 36 जायगाफोराव तुर्किनि इन्जों भारतआव गाग्लोबदों,

जेराव नोगोरारि आरो सान्त्रि हान्जाफोर थाप्राया थांखि बानाय जादों। तुर्कि आरो आजारबेजानआ पाकिस्तानखौ

फावखुंग्रिया कल कार्दशियनआ गावनि स्नेपचेट स्टरियाव शाहरुख खाननि माखासे सावगारि शेयार खालामदों

थानाय सानफोराव आमेरिकानि निउयर्कआव मेट गालानि हाबाफारिखौ खुंफुनाय जादोंमोन, जेराव भारतीय स्टारफोरा गावसिनि दोहौखौ सोमजि होदों। बलिउडनि फावखुंगुर शाहरुख खाननि लुक एबा नुथाइआ भारतनि अनगायै गुबुन हादतनि स्टारफोरखौबो गनायथावना खालामदों। बे समाव बलिउडनि स्टार कल कार्दशियन, जाय किम कार्दशियननि बिब’ बिथाडा फावखुंगुरनि लुकखौ नुनानै बोदोर जादों आरो बिथाडा शाहरुख खानखौ बाखायनो हमदों। आमेरिकान टिभि फावखुंग्रि कल कार्दशियनआ गावनि स्नेपचेटआव शाहरुख खाननि माखासे सावगारिफोर शेयार खालामनानै बिथांखौ बाखायदों। बिथाड किं खाननि सोमोन्दै लिरो, थौरैनो आं के नेकलेसनि अन्साइगिरि।



बिथांखौ जोबोद समायना नुदोंमोन आरो बेखौ नुनो मोन्नाया जोबोद मोजांदि, माबोरैहाय मुंदांखा डिजाइनारफोरा गासै हादतनिफ्राय गावसिनि हारिसु आरो फेशननि आयदाफोरखौ इभेन्टनि टीमजों लोगोसे बाहागो लाफायो। कल कार्दशियन आरोबाव मिबथि होयोदि, भारतीय डिजाइनार सब्यसाचि

मुखार्जिनि थियारि खालामनाय बिथांनि लुकआव भारतीय मेन्सवियरनि डिजाइनखौ होफादेन्नाय जादों। बेनि अनगायै बिथाडा बुडोदि, आंहा किं खानखौ मेट गालायाव नुनानै जोबोद मोजां मोन्दों। बिथाड बे हाबाफारियाव बाहागो लाफैनाय गिबि बलिउडनि फावखुंगुर। गालायाव शाहरुख खानआ सब्यसाचिनि डिजाइन

खालामनाय आउटफिटआव गावनि डेब्यु खालामदोंमोन। शाहरुखआ ब्लेक डेन्डि लुकआव नुजाथिदोंमोन। बे लुकआव ब्लेत सुटजों बिथाड मोनैबो आखायनि आसिफोराव आस्थाम गान्दोंमोन आरो एसआइकेआ के लिस्नाय नेकलेसबो गान्दोंमोन। बिथांनि बे लुकआ गोबां भाइरेल जादों।

मुंदांखा भिलेन डेनिनि फिसाज्ला रिनजिं डेंजंपाआ ससेल मिडियाआव जोबोद एक्टिभ थायो

बलिउडनि गिखंथाव भिलेन डेनि डेंजंपाआ सासे मोजां फावखुंगुर। डेनिआ आथिखालावबो गावनि भिलेन बिफावनि थाखाय मुंदांखा। बिथांनि गिथावना मेगनआ सावथुननि फावखुंगुरफोरनि गोलोमदै बोहैहोयो। सानि देअल स्टारनि घातक सावथुनआव बिथांनि भिलेन महैर फाव खालामनायखौ सुबुंफोरा दासिमबो बावनो हायाखै। बिथाड दासिमबो सावथुनफोराव एक्टिभयैनो दं आरो आथिखालाव बिथांनि फिसाज्ला रिनजिं डेंजंपाआबो सावथुनफोराव आगान होबाय। डेनिनि फिसाज्लाआ गोजू आरो नायनो समायना। बबेखानि

बलिउड स्टार टाइगर श्रफ बादिने फीटनेसआव गोसो होयो। रिनजिं आरो टाइगरआ सानैजों लोगो। रिनजिंआ गावनि डेब्यु सावथुन स्क्वाय’आवनो गिखंथाव स्टान्ट आरो मेगनखौ गोमो होनाय एक्सन खालामनाय नुनो मोन्दोंमोन। बिथाड ससेल मिडियाआव जोबोद एक्टिभ आरो सानप्रोमबो गावनि गोदान–गोदान पस्ट होनानै अन्सायगिरिफोरजों लोब्बा थायो। रिनजिंआ गावनि वर्क आउट खालामनायनि भिडिअखौबो गावनि इनस्टाग्राम एकाउन्टआव शेयार खालामबाय थायो। फीटनेसनि बिथिडव बिथाड गावनि लोगो



टाइगारनिफ्राय इसेबो उन नड। बिथांनि वर्कआउट खालामनाय पस्टआ गोबां लाइक मोनो आरो बिथांनि अन्सायगिरिफोरा बिथांनि गोदान प्रजेक्टखौ नेनानै थाबाय थायो। रिनजिंनि स्टान्ट खालामनाय पस्टआव

जायखौ निलेश सहायआ बिथोन होदोंमोन। सावथुनआव रिनजिंआ गाहाइ फावआव दडमोन आरो तनिषा दिल्ल’आ बिथांनि फावखुंग्रि जादोंमोन। बलिउड डेब्यु सावथुनजों रिनजिंआ नायगिरिफोरनि सिगाडव जर’खा दिन्थिफुंनो हायाखैमोन। बेनि उनाव बिथांखौ मोनसेबो सावथुनाव नुनो मोनाखै। रिनजिंआ दा

36 बोसोर बैसोनि जाबाय आरो मोनसे गिदिर ब्रेक नायगिरिगासिनो दड। आथिखालाव बिथाड ससेल मिडियाआवनो गावनि अन्सायगिरिफोरजों सोमोन्दोआव थायो।

अन्सायगिरिफोरा बिथांखौ एक्सन हिर’ होन्ना बुडो। रिनजिंखौ 2021 आव रिलीज जानाय सावथुन स्क्वायडआव नुनो मोन्दोंमोन। बेयो बिनि बलिउड डेब्यु सावथुन, बिथाड बुडोदि, ‘जाय सुबुंफोरा आंखौ आनफल खालामगासिनो दड’ एबा हुमखि होगासिनो दड, बिसोरो मोजाडै फरायथों, मानोना आं जौनि हादतनि थाखायसो बुंदों। आं आनि हादतनि थाखाय गसंनो थानायखौ माब्लाबो निमाहा बिया। जेब्ला उतखारिनि मुखव दाय गैयै सुबुंफोरनि जिउ गोमोगोन अब्ला आं माब्लाबाबो सिरि थानाय नड।’ सेलिना जेटलीआ आरोबाव बुडोदि, आं बैसोर अनथाव सुबुंफोरनि जिउ गोमानायनि सायाव आनि गोथौ दुखु मोन्नायखौ फोरमायो। जुदि भारतनि फारसे आनि मोजां मोन्नाया नोंसोरखौ दुखु मोनहोदोंब्ला जुदि उतखारिफोरनि हेंथायै बुंनायाव आनि रावआ नोंसोरखौ सिगियोब्ला आंखौ गोग्गाथावै आनफल खालामनो हागोन।’ आं शान्तिनि थाखाय बुडो, आं सैथोनि थाखाय गसंनो दड आरो आं जेब्लाइबो जौनि सान्त्रिफोरजों लोगोसे गसंनो दड।



सिन्दुर आरो सान्त्रि हान्जाफोरखौ बाखायदोंमोन। बे पस्टनि उनाव सुबुंफोरा बिथांखौ आनफल खालामगासिनो दड आरो हुमखिबो हरागासिनो दड। आथिखालाव सेलिनाआ गोखों जानानै मोनसे पस्ट शेयार खालामदों आरो निमाहा बिनायखौ रोखायै नेवसिगारदों।

आसामनि सानस्त्रिग्रा बासित आहमेदआ सनानि मेडेल देरहादों

गुवाहाटी, 10 मे: आसामनि मुंदांखा सानस्त्रिग्राफोरा खेल' इन्डिया इयुथ गेम्सआव गावसोरनि गोखोंथिखौ फारियै लाखिदों। जायनि फारिआव बासित आहमेदआ गयाआव खुंजानाय बे गेम्सआव 50 मिटार ब्रेस्ट स्ट्रकआव सनानि मेडेल देरहादों। फाइनालाव बिथाडा 30.46 सेकेन्ड समजों थांखिसिम सौहेनानै गिबि मासिआव थादों। जेराव बियो बे गेम्सआव आसामनिफ्राय ब्रैथि मेडेल देरहानाय थिसनजादों। मानोना बेनि सिगां जनन्जय ज्यति हाजरिकाआ गंनै सना आरो सुब्रानसिनी प्रियादर्शनीआ ब्रन्ज मेडेल देरहादों। जनन्जयआ शुक्रबारखालि



मोनसे बादायनायाव बाहागो लानो गोनांमोन। नाथाय बिथाडा जोखोमनि थाखाय बेनिफ्राय मुंखौ बोखानानै लादोंमोन। टेबल टेनिसआव आसामनि पेडलार प्रियानुज भत्ताचार्यआ मोजां फर्मखौ लाखिनानै हौवासाफोरनि आन्डार-18 सिंगेल्स फाइनालाव सौहेदों। बिथाडा बेनि सिगां गेलेनाय खेबनै

रिकी खारकंगरनि स्ट्राइकआ मेघालयाखौ आन्डार-20 एनएफसिनि सेमिफाइनलआव लांदों

नारायनपुर, 10 मे: मेघालयानि हान्जाआ रामकृष्ण मिसन आश्रम फोथारआव कर्णाटकनि हान्जाखौ 1-0 गलआव फेजेन्नानै स्वामी बिबेकानन्द आन्डार-20 हौवाफोरनि नेसनेल फुटबल सेम्पियनसिप 2025 नि सेमिफाइनलआव गावसोरनि जायगाखौ रैखा खालामदों। कर्णाटकनि हान्जाआ बे गलनि उनाव आवगायफिनो गोब्राब नाजादोंमोन। स्ट्राइकार रिकी खारकंगरआ मेचनि 4 मिनिटआवनो गल सोनानै हान्जाखौ आवगायहोदों। बेनि उनाव बेरेखा हान्जाआ माखासे गलनि खाबु मोन्दोंब्लाबो गलनि महर होनायाव फेलें जादों। जायनि फारिआव हान्जाआ नैथि हाफआव बांसिनै



खाबु मोन्दोंमोन। मेघालयाआ क्वार्टर फाइनालाव गावसोरनि गोखों गोहोजों गुप-एआव गासैंबो खेबथाम मेचखौ देरहादों। जायनि फारिआव

हान्जाआ कर्णाटकनि हेंथायै गोखों सेलेन्ज मोन्दोंब्लाबो गरसे गलआव देरहानाय थिसन्दों। बेनि उनाव कर्णाटकआ गोखों एन्काउन्टर

होफिन्दोंब्लाबो देरहानाय हान्जानि डिफेन्डारफोरा फारियै होबथादों। मेघालयाआ क्वार्टर फाइनालआव गुप-सि आरो गुप-बिनि गेजेराव बादायनाय

देरहागिरिजों सेमिफाइनलाव बादायगोन। जेराव गुप-सि आरो गुप-बिनि बादायनाया 11 मे आरो 12 मेआव जागोन। बेनि सिगां गुप-बिनि ट्यार जानाय कर्णाटकआ 12 पइन्टजों गुपनि जौसिनआव थादोंमोन। जायनि फारिआव गुजराटआ 9, तामिलनाडुआ 6, छतिलगड़आ 3, आन्डामान आरो निकबरआ 0 पइन्ट आर्जिदों। कर्णाटकआ गुप-बिआव 10-0 स्करिआव आन्डामान आरो निकबरनि हेंथायै देरहानाय थिसन्दोंमोन। गुबुन फासैं मेघालयाआ गुप-एआव 7-0 स्करिआव बिहारनि हेंथायै देरहानायजों गावसोरनि अभियानखौ जेनालासे फोजोबदोंमोन।

भारतनि आर्साफोरा वर्ल्ड काप स्टेजआव गोख्रोडै दिन्थिफुंदों



गोदान दिल्ली, 10 मे: भारतआ सांघाइआव खुंजानाय आर्साफि वर्ल्ड काप स्टेज-2 आव गोख्रोडै दिन्थिफुंनो हानायजों कम्पाउन्ड हौवाफोरनि हान्जा इभेन्टआव सना, आइजोफोरनि हान्जा इभेन्टआव सिलभार आरो मिक्स हान्जायारि मेडेलआव ब्रन्ज मेडेलजों गंथाम मेडेल देरहानो हादों। अभिपेक भर्मा, अजाज देबताले आरो ऋषभ यादबनि हौवाफोरनि हान्जाया फाइनालआव मेक्सिक 'खौ 232-228 स्करआव फेजेन्दों। बिसोर साथामनि जराआ गिबि

बादायनायाव 59 पइन्टजों 2 पइन्टआव आवगायदों। जेराव मेक्सिक 'आ नैथि बादायनायाव 15 पइन्टजों आवगायफिन्दों। बे बादायनायाव भारतआ 56 पइन्टल' आर्जिदों। जाउनाव स्करआ 115-115 आव थाहेंदों। नाथाय भारतआ थामथि बादायनायाव 58 पइन्ट आरो बेरेखा हान्जाया 57 पइन्टल' आर्जिदों। बेबादि थासारिआव भारतआ जोबथा बादायनायाव 60 नि गेजेराव 59 आरो बे समाव मेक्सिक 'आ 56 ल' आर्जिदों। ज्यति सुरेका भेन्म, माधुरा धामनगाभास्कार आरो

सिकितानि आइजोफोरनि हान्जायाबो कम्पाउन्ड फाइनालआव मेक्सिक 'नि

हान्जाजों बादायनो मोन्दोंब्लाबो सेलेन्जखौ सौसिनायाव फेलें जाहैयो। जाउनाव 221-234 स्करआव जेन्नाडे। 24 बोसोर बैसोनि माधुराआ बेनि सिगां मोनबो वर्ल्ड कापआव बाहागो लाफे राखै। बेनि सिगां मेडेलिनआव जालानाय 2022 नि आर्साफि वर्ल्ड काप स्टेज-4 आव बिथाडा भारतनि जानानै गेलेखांबाय। कम्पाउन्ड आर्साफि इभेन्टआ लज एन्जिल्स 2028 आव जायगा मोनबाय। बेबादि थासारिआव भारतआ इयुनआव गोबां जाफुंसारनाय मोन्नो हागौ।

उन्नति हुड्डा आरो आयुष शेन्तिआ बिमुं देरहानायनि लामायाव



गोदान दिल्ली, 10 मे: लाइमोन गेलेगिरि उन्नति हुड्डा आरो 20 बोसोर बैसोनि आयुष शेन्तिआ भारतनि मुंखौ हारिमायारि थाखोआव फिन गोजोंआव लाबोनो नाजादों। जेराव बिसोर सानैआ बिडब्लिउएफ ताइपे अपेन 2025 आव सेमिफाइनलाव सौहेबाय। बिडब्लिउएफ वर्ल्ड टुर सुपार 300 बे इभेन्टआव उन्नतिआ ओन्सोलारि बादायगिरि हुं यी थिंखौ 21-8, 19-21, 21-19 स्करआव 52 मिनिटआव फेजेन्दों। जेराव बे खेबआव बिथाडा टप रेंकिनि जापाननि तमका मियाजाकीनि हेंथायै बादायगोन। गुबुन फासैं आयुषआ 7 थि रेंकिनि ब्रियान यंजों सिगां समनिफ्रायनो मोजाडै दिन्थिफुंदों। प्री क्वार्टर फाइनालाव आयुषआ मुलुगनि बाररा 'नम्बर 1 किदाम्बि श्रीकान्तखौ 21-16, 15-21, 21-17 स्करआव 66 मिनिटआव फेजेन्दों। बिडब्लिउएफ रेंकिआव 44 मासिआव जायगा मोन्नाय बिथानिफ्राय अन्सायगिरिफोरा बिमुंनि मिजिथिदों। बे अपेनआव भारतआ रेंगथि गोनां बादायारिफोरनि हान्जाखौ दैथायहदोंब्लाबो उन्नति आरो आयुषआल' भारतनि फिफिलखौ फाइनालसिम लांनयनि लामायाव सौहेदों।

सरुपामनि दैदेन्नायाव एनएफआरएसएआ नुरुद्धीन क्रिकेट चुर्नामेन्टआव देरहादों



गुवाहाटी, 10 मे: गवालपाराआव खुंजानाय नुरुद्धीन सिनियर इन्टर डिस्ट्रिक्ट क्रिकेट टुर्नामेन्टनि नैथि सानआव एनएफआरएसएआ गुवाहाटीखौ फेजेन्नानै गोखों गोहोखौ

दिन्थिफुंनो हादों। गुवाहाटीनि हान्जाआ गिबि इनिंसआव 37 रानआव आवगायदोंमोन आरो नैथि इनिंसआव 9 रानआव आवगायनो हादोंमोन। बे हान्जाया 43.4 अभारआव 128

गगैनि मदद मोन्दों। जेराव गगैआ 30 रान होनानै 3 उइकेट लादों। बे समाव गुवाहाटीनि जानानै सुमित गाधिगावनकरआ 36 आरो जितु आलीआ 34 रान लादों। 166 रानआव देरहानायजों एनएफआरएसएआ 3 उइकेट खोमानायजों नो 43 अभारआव टार्गेटसिम सौहेदों। जायनि फारिआव शिभमकर दासआ उइकेट खोमानाडालासे 54 रान लादों। बे फारिआव कुनाल शइकि याआबो उइकेट खोमानाडालासे 29 राननि बिहोमा जगायदों। बेनि सिगां सुमितआ हान्जानि जानानै मोजाडै दिन्थिफुंदों। बे मेचनि उनावबो बे मोननै हान्जाया टुर्नामेन्टआव फाइनाल राउन्डनि थाखाय क्वालिफाइ जादों।

गगैनि मदद मोन्दों। जेराव गगैआ 30 रान होनानै 3 उइकेट लादों। बे समाव गुवाहाटीनि जानानै सुमित गाधिगावनकरआ 36 आरो जितु आलीआ 34 रान लादों। 166 रानआव देरहानायजों एनएफआरएसएआ 3 उइकेट खोमानायजों नो 43 अभारआव टार्गेटसिम सौहेदों। जायनि फारिआव शिभमकर दासआ उइकेट खोमानाडालासे 54 रान लादों। बे फारिआव कुनाल शइकि याआबो उइकेट खोमानाडालासे 29 राननि बिहोमा जगायदों। बेनि सिगां सुमितआ हान्जानि जानानै मोजाडै दिन्थिफुंदों। बे मेचनि उनावबो बे मोननै हान्जाया टुर्नामेन्टआव फाइनाल राउन्डनि थाखाय क्वालिफाइ जादों।



गुवाहाटी, 10 मे: आसामनि जाखोंफुनाय लाइमोन टेनिस गेलेगिरि फागुनज्यतिआ हारियानानि सनिपथआव खुंजानाय अल इन्डिया नेसनेल रेंकि सेम्पियनसिप सिरिज टेनिस टुर्नामेन्टआव गोख्रोडै दिन्थिफुंनो हानायजों सिंगेल्स बिमुं देरहानो हादों। अल आसाम टेनिस एस 'सिएसननि ट्रेनी फागुनआ बे समाव फारफ्रोमथिंबो गावनि रेंगथि आरो दिदोमथिजों बेरेखा बादायारिखौ दबथायनानै आन्डार-14 हिन्जावसाफोरनि सिंगेल्स केटेगिरिआव देरहादों। जायनि फारिआव बिथाडा सोनाब बंगनि आसिका जयसवालखौ खेबथाम सेटनि बादायनायाव गोर्लेयैनो 6-3, 0-6, 6-3 स्करआव फेजेन्नो हादों। बिथानि बेबादि जाफुंसारनाया राज्ज्योनि लाइमोन गेलेगिरिफोरनि गोसोआव जर'खा थुलुंगा लाबोयो। मानोना थानाय समफोरावबो बिथाडा गावनि बेबादि रेंगथिजों गोबां जाफुंसारनाय लाबोबाय।

वर्ल्ड टेस्ट सेम्पियनसिप 2027 नि फाइनालआ भारतआवनो खुंजानो हागौ

गोदान दिल्ली, 10 मे: वर्ल्ड टेस्ट सेम्पियनसिप 2025 नि फाइनालआ खोला आफ्रिका आरो अस्ट्रेलियानि गेजेराव लर्डसनि फोथारआव खुंजागोन। बेनि उनाव वर्ल्ड टेस्ट सेम्पियनसिप 2025-27 नि साइकलआ जागायगोन। खौरांनि बादिब्ला, बे साइकलनि फाइनालखौ भारतआ बान्जायनो थियारि जादों आरो बेनि थाखाय मावख 'यारि महरै आर'जलाइ गथायनो हागौ। दासिमआव वर्ल्ड टेस्ट सेम्पियनसिपनि खेबनै फाइनालआ इंग्लेन्डनि फोथारआव जालांबाय। 2025 नि फाइनालआबो इंग्लेन्डआव जागोन। बेबादि



थासारिआव जानो गोनां डब्लिउटिसिनि फाइनालखौ भारतआ बान्जायनो मोन्नो हागौ। खौरांनि बादिब्ला, थानाय दानआव जिम्बाबवेआव आइसिसिनि गाहाइ मावख 'यारि जथुमनि समाव बे आयदाखौ लानानै सावरायनाय जादोंमोन। जेराव बिसिसिआइनिफ्राय आइपिएलनि आफादगिरि अरुन धुमालआ थादोंमोन। भारतआ दासिमआव खेबनै वर्ल्ड टेस्ट सेम्पियनसिपनि फाइनाल गेलेबाय। नाथाय खेबनैआवबो जेन्नादों। जायनि गिबिआव निउजिलेन्ड आरो गुबुन खेबसेआव अस्ट्रेलियाआ बिमुंखौ देरहादों।